

„Droschak“

ORGANE

de la Fédération

Révolut. Arménienne.

ԴՐՕՇԿԿ

Adresse:

RÉDACTION DU JOURNAL

„Droschak“

GENÈVE (Suisse)

„ՀԱՅ ՅԵՂԱՓՈԽԱԿԱՆ ԴԱՋՆԱԿՑՈՒԹԵԱՆ“ ՕՐԳԱՆ

Դ Ր Օ Շ Ա Կ Ի Շ ՈՒ Ր Զ Ը

Հարցեր շատ ունինք—ցաւոտ ու տանջող: Եւ ամենից տանջողը—կազմակերպութեան հարցը...

Պատմութիւնը դրել է յատկապէս մեր կուսակցութեան առջև ահագին, դժարալոյծ մի պրօբլեմ: Կոխ մղել միաժամանակ երկու-երեք ֆրօնտի վրայ, մերթ խաղաղ, մերթ արիւնոտ, արկածալի շեշտել միաժամանակ երեք տարբեր միջավայրում—Ռուսաստանում, Թիւրքիայում, Պարսկաստանում—և շեշտել, իբրև մի տեսակ պատերազմող կողմ, իբրև մէկը իրաւարար գործունեւրից, աշխատել, վերջապէս, բոլոր երեք ազդեցութեան շրջաններում, որպէս խաղաղ և բնականօրէն վերածնութեան մի ազգակ:

Միշտ գիտակ այդ իրողութեան և միշտ կանգուն պարտականութեան դաշտի վրայ, մենք երբեք չենք չափազանցել մեր ուժերը, չենք էլ ուրացել, նւազեցրել արհաւիրալի խոչընդոտները: Քայլել ենք միշտ սոցիալաւոր բոլոր ճշմարիտ յեղափոխականների այն աւանդական նշանաբանով, այն կորովատու գիտակցութեամբ՝ որ խիզախ և անձնուրաց փոքրամասնութիւնը, ուր որ էլ լինի, ինչ պայմաններում էլ որ շարժւի, կարող է յամառ ու յարատեւ ձիգերով ծանապարհ բանալ լեռնացած խոչընդոտների միջից և առաջնորդել ժողովուրդներին դէպի ազատութեան ու արդարութեան հանգրուանները: Այդ հաւատը մի վայրկեան իսկ չը լքեց մեզ՝ մեր քսանամեայ երկարաձիգ ու դրամատիկ ուղիի վրայ: Եղափոխական հինաւուրց դաւանանքը ապացուցեց հետզհետէ իր փրկարար իմաստութիւնը և մենք ունեցանք վայրկեաններ—կովկասեան ճակատամարտները—երբ այդ խիզախ փոքրամասնութիւնը մէկէն ի մէկ ուռճանալով, կերպարանափոխւելով, դարձաւ ահեղ ու յաղթական մեծամասնութիւն, ձուլեց ամբողջ ըմբօստացող ժողովրդի հետ, իսկ փոթորիկն անցնելուց յետոյ, ազատութեան կարճատեւ մեղրամիստում, հանդէս եկաւ—Պետական Դումայի, Ռուսահայոց Անկախութեան Ժողովի ընտրութիւններին—որպէս միակ ղեկավարը ժողովրդական ճակատագրի:

Եւ այսօր, երբ յետագարձ մի հայեացքով պրպրտում ենք մեր ապրած հերոսական զբաղմունքները,

իրաւացի հպարտութեան հետ՝ մի բուռն, անդիմադրելի տենչ ենք զգում—շարունակել ապագայում, յարատեւել նոյն ուժով ու հմայքով, նոյն տիրական և միշտ աւելի այլազանող պաշտօնով, առաքելութեամբ:

Երբ Ռուսաստանում Հոկտեմբերեան մանիֆեստը բաց արեց սահմանադրութեան ու ազատութեան նոր դարաշրջան, եղան մարդիկ մեր տխրամիտ հակառակորդների բանակում, որ ասում էին. «Դաշնակցութիւնը այլ ևս չունի գոյութեան իրաւունք Արմենիայում, այդ իրաւունքը մնում է միայն Թիւրքիոյ մէջ»: Եւ լիսեան յեղափոխութիւնից յետոյ էլ, նոյն մարդիկ, անտարակոյս, մտածում էին. «Թիւրքիայից էլ Դաշնակցութիւնը վերացաւ, պիտի վերանայ, բանի որ այլ ևս պէտք չը կայ մարտական-դաւադրական կուսակցութեան»...

Խիստ դիւրութեամբ էին լուծում նրանք մի մարմնի գոյութեան հարցը, և միանգամայն տրամաբանօրէն՝ իրենց չափով ու տեսակէտով: Իրենց չափը—իրենց սեփական գոյութիւնն էր, անսկզբունք, անճրագիր, անդաւանք, առանց որոշ սօցիալական աշխարհահայեացքի, առանց որոշ ու յարատեւ ուղղութեան: Եւ նոյն չափը կիրառում էին հակառակորդ մարմնի վրայ... Դժբախտաբար մի խմբակցութիւն է, որ ապրել է իր շրջանը և պիտի լուծւի...

Սակայն, այդպիսի «պատահականութեան» իմաստով չէ, որ Դաշնակցութեան հիմնադիրները ըմբռնել են իրենց թանկագին ստեղծագործութիւնը: Եւ նրա համար չին հայ ժողովրդի հերոսական զաւակները տասնեակ տարիներով պայքարել ու նահատակել կազմակերպութեան դրօշակի տակ, որպէսզի իրենց ծնողի ներկայի առաջագիմութեան դատը թողնւի մի գեղեցիկ օր հակաժողովրդական, գաղափարազուրկ խաժամութի ձեռքը...

Դաշնակցութիւնը յարատեւում է նոյնքան հզօր ու պերճախօս *raison d'être*-ով, որքան առաջ: Մինչև օրս, բունկալութեան շրջանում, նա եղել է հայ ազատագրական շարժման խորհուրդը, այսուհետեւ, սահմանադրութեան շրջանում—եթէ համարենք այն կատարեալ ու յարատեւ—նա դառնում է խորհուրդը հայ-ժողովրդական առաջագիմութեան: Այդտեղ նրա գործունէութեան ծրագիրը նոյնքան յստակ է,

որքան առաջ: Այդտեղ նրա սօցիալ-փիլիսոփայական աշխարհայեացքը նոյնքան կուռ, հրապուրիչ ու արագասաւոր է, որքան նախկին գաւադրական-յեղափոխական հաւատամքը:

Հարկ կայ յիշել, որ այդ «նախկինը» մեր ալեծուփ ու երեքուն իրականութեան մէջ գեռ պահպանում է իր ահարկու աթմոսֆերան, գեռ մերթ ընդ մերթ նշմարել է տալիս իր պաշտպանողական կամ յարձակողական վերագործի հնարաւորութիւնները: Ռուսաստանում՝ նա նոյնիսկ կենդանի անհրաժեշտութիւն է...

Ահա թէ ինչու հայ ժողովրդական և մարտական կուսակցութիւնը միշտ անխռով անցնելու է թշնամի-ների ու հակառակորդների իր դէմ հանած պատնէշ-ներից և շարունակելու է իր գերը, որպէս հայ կեանքի մի կատէգորիկ իմ պերատիվ, որի գոյութիւնը չեն բնագրատում և որի առջև միայն խոնարհուում են:

*

Հարունակե՛լ աւելի կարող ու բեղուն, յարատե՛լ աւելի զօրեղ գրաւականներով ու փաստերով... Այս է ամբողջ կուսակցութեան իղձը: Եւ որպէսզի միշտ պատ-ւով կարողանանք դուրս ելնել գաղտնի հնարաւոր տագնապներից, որպէսզի աջողութեամբ կարողանանք առաջ տանել երեք տարբեր միջավայրում մեր ստանձնած դժւարին առաքելութիւնը, անհրաժեշտ է ամենից առաջ իրականացնել մէկ բան—կազմակերպութիւն: Հզօր ու կուռ մի Բյօկ, գաղափարական և մարտական մի ներդաշնակ ամբողջութիւն, պատկառելի իր որակով ու բանակով, տարածութեամբ և խորութեամբ, որ ընդունակ լինի իր կորովի միջամտութիւններով չէզոքացնել հակադրական ու յետադէմ հոսանքները և ապահովել հայ ժողովրդի անկաշկանդ առաջադիմութիւնը:

Դրօշակի շո՛ւրջը... Ի՞նչ փոյթ, թէ բէակցիան թեւատարած իշխում է Անդրկովկասում, թէ աջակողմեան խուժանը պատրաստում է Դոմայի մէջ նոր սպառնալից հարցապնդումներ Հ. Յ. Դաշնակցութեան դէմ... Ստոյիպինին կարող են միանալ հայ ազգի մրուրը կազմող բոլոր անպատիւ հերոսները—և դարձեալ չեն խորտակի հայ ժողովրդի միջնաբերդը:

Ի՞նչ փոյթ նաև, թէ Երիտասարդ Թիւրքիայի ազգայնամոլ երևակայութիւնը յօրինել է 4-րդ յօդ-ւածը, որ արգէն իսկ փորձեր է անում կիրառելու... Աբգիւլ Համիդի դժոխային հնարքներն անգամ չ'աջողեցին ջնջել հրապարակից հայ քաղաքական կուսակցութիւնը: Չեն աջողի և նրա երիտասարդ ընդօրինակողները. չորրորդ յօդւածը կը վերադառնայ ու նորէն կը ծեծւի պարլամենտի մէջ. բոլոր շատ թէ քիչ ուսմ-կավարական տարրերը իրենց պատուի պարտք կը համարեն՝ կռել յանուն գոլմարումների ու կազմակերպման լիակատար ազատութեան:

Կազմակերպե՛լ... Այդպէս է ներկայի մարտակոչը:

Եւ նախ՝ Կովկասում և Ռուսիայի այնտեղ ջլատուած, ցիրուցան, կազմակերպութիւնը՝ շատ տեղերում կազմալուծւած: Արգիւնք հիասթափութեամբ—Երբէք Յեղափոխական կորովը մարա՞ծ:—Ամենևին: Դա բէակցիայի ժամանակաւոր յաղթանակն է, որ տարածել է իր գերեզմանային շունչը ամբողջ ռուսական կայսրու-թեան վրայ: Դա ըմբոստութեան ժամանակաւոր տեղաւորութիւնն է՝ իր բոլոր ցաւագին արտայայտութիւն-ներով:

Դառն է, անշուշտ, չափազանց դառն՝ մտաբերել մօտիկ անցեալը, ազատութեան մեղրամիսը, երբ 15 տարեայ «ստորերկրեայ» գոյութիւնից յետոյ, մէկէն ի մէկ լոյս աշխարհ ընկանք և մեր գոռ միտինգնե-րով, խօսքի ու մտքի ազատ մարտնչներով թնդացրինք հրապարակը... Դառն է յիշել, որ այդ բոլորից յետոյ՝ նորէն իջանք դէպի ստորերկրեայ աղջամուղջը, նորէն ամբողջ յեղափոխական Ռուսաստանի հետ փարեցինք գաւադրական կարթունքիցմին... Կորցրինք, տանուլ տւինք յեղափոխական շրջանի մի շարք կարեւոր նա-ճումներ...

Այդ գիտակցութիւնը ճնշում է մեզ, բայց չի վհա-տեցնում: Մենք հաւատում ենք, որ հեռու չէ ազա-տագրական նոր յորձանքը, հաւատում ենք, որ բռնա-պետական կառավարութիւնը իր գլխապատու վազքի մէջ դէպի նախկին, պօքեդօնօսցեման օրերը՝ դատա-պարտւած է խորտակելու... Պէտք է փութացնել այդ խորտակումը կամ յամենայն դէպս—այս մէկը գուցէ ամենահրամայականն է մեզ համար—պէտք է հսկել, որ սահմանադրական բռնապետութեան այդ վազքը թանկ չը նստի հայ ժողովրդին, չը բերէ նրան նոր աղէտներ, նման 1903-ի, 1905—906-ի աղէտներին, չը խլէ նրանից ազգային առաջադիմութեան այն լղարիկ իրա-ւունքներն ու հաստատութիւնները, որոնք նոյն յեղա-փոխական օրերի նաճումներից են:

Կարթունքիական գետնայարկե՛ր... Ի՞նչ արած, երբ կառավարութիւնը զօռով քշում է այնտեղ յեղափո-խական բոլոր մարմինները: Պէտք է համակերպել այդ ճակատագրականութեան, բայց համակերպել ոչ իբրև ստրուկ, այլ իբրև ըմբոստ, որ գնում է սրելու իր զէնքերը մթութեան մէջ, որպէսզի բարեպատեհ վայր-կեանքներին դուրս արշաւէ ժողովրդային զանգածների հետ և կամ գաղտնի դարաններից շանթահարէ հին բեթիմի խիստ եռանդուն ռահվիրաներին: Մենք ու-զեցինք խաղաղ պայքար սահմանադրական իրաւակարգի մէջ—մեզ մղեցին նորէն դէպի դաւադրութիւն և արիւն: Չեանցը նետւած է ամբողջ ազատատենչ ու յեղափո-խական Ռուսաստանին և վերջինը բարձրացնում է այն, թէկուզ պէտք լինի իր լիակատար յաղթութեան հա-մար դարձեալ տասնեակ տարիների ճիգ ու ջոհողութիւն...

Դաւադրական շրջանը վերադառնում է կայսրութեան բոլոր բաժիններում, անգամ Ֆինլանդիայում: Ստուի-պինեան կառավարութիւնը, կախաղաններով ու մասսային գնդակահարումներով ձեռք բերած իր յաղթանակից յետոյ, ոչ թէ միայն անընդունակ է գտնուում պետա-կան ամենատարրական իմաստութեան, ոչ թէ միայն մերժում է ամենահրատապ բեֆօրմները, այդ ալեծուփ երկիրը հանգստացնելու համար, այլ և վճռել է տալ աշխարհին բռնակալական ամբարտաւանութեան չը տեսնած ապացոյցներ. և ամենապղծցուցիչ ապա-ցոյցը—Ֆինլանդիայի դէմ նիւթած արշաւանքը... Հերթը կը հասնի ուրիշ Ծայրերին, Լեհաստան, Կովկաս նոյն-պէս կ'անցնին յետագիծութեան բուրայի վրայից, ար-դէն անցնում են...

Դաւադրական շրջանը վերադառնում է—պէտք է շտապել Նորէն՝ կեցցէ՝ խաւարը... Պէտք է վերականգ-նել գաղտնի կազմակերպութիւնների ցանցը քաղաքնե-րում ու գաւառներում—ինտելիգենցիայի, բանւորու-թեան, գիւղացիութեան շրջաններում: Առանց ցասկոտ, հիւանդագին շարժումների, բայց և առանց ծոյլ ու ինքնուր յապաղումի: Մեր թշնամիները անասելի եռանդ են թափում մեր շարքերը ծարակելու—ցոյց տանք մենք ևս համահաւասար եռանդ, տոկոսնութիւն: Երէկայ ըմբոստներից շատերն են արդէն գրավել կուլտուրա-կան շարժման հրապոյրներով, անձնատուր եղել իրերի հոսանքին և կրաւորական հաւատմքի մէջ մոռացել են թերեւս բեակցիայի գահավէժ սլացքը, որ գալիս է վերստին պոկելու ամենուրեք «կուլտուրականութեան» նորաբողոք ծաղիկները:

Քանի դեռ ուշ չէ, պէտք է սթափել և վերաշինել կազմակերպութիւնը, համախմբել հին ու նոր ուժերը, կուսակիցներին ու համակիրներին, համախմբել դրօշակի շուրջը բոլոր նրանց, որոնք դաւանում են մեր ծրա-գիրը, ընդունում են մեր տակտիկը և իրենց խօսքով ու գործով յարմարւում են այդ տակտիկին, այդ ծրագրին:

Վերակազմելու է հին շրջանակները, աւելացնելով նոր, թարմ, գործն ուժերի այն պաշարը, որ արտա-դրում է մեր կեանքը: Ասե՛ք արդեօք, թէ որպիսի ծայրայեղ զգուշութիւն է պէտք ընտրութեան մէջ... Յիշե՛ք արդեօք, թէ որպիսի ծայրայեղ հոգացո-ղութեան նիւթ պիտի լինի մեր շարքերի մաք-րութիւնը, ներկայ խառնակ, վտանգաւոր ժամա-նակներում, երբ համառուական, նոյնիսկ յեղափոխա-կան մթնոլորտը լեցուն է ամեն տեսակ բախտախնդիր տիպերով, լրտեսներով, պրօֆօկատօրներով, մանր ու խոշոր Աղեղներով... «Դաշնակցութիւնը», փա՛ռք բախ-տին, ազատ է մնացել այդ սարսափելի վարակումնե-րից: Պատճառն այն չէ, ի հարկէ, որ իբր հայոց մթնո-լորտը աւելի մաքուր է, քան ռուսականը, օ՛, ոչ տա-րաբախտաբար. վխտում են մեզ մօտ ևս ամեն կարգի

սողուններ, որոնք մասամբ մերկացած են անցեալում և արժանաւոր պատիժը կրած յեղափոխական նեմե-զիդայից, ուրիշները մնում են տակաւին սուերի մէջ... Պատճառը—Դաշնակցութեան բարոյական և ռազմական հմայքն է, որ չէզոքացնում է անմաքուր շահատա-կութիւնները:

Այո՛, եթէ մի կողմից մեզ անասելի ցաւ է պատ-ճառում վատ, չարագործ տիպերի երկարամեայ և գոր-ծօն ներկայութիւնը յեղափոխական բարձ-րագոյն շարքերում իսկ՝ ս.՝ Ների, ս.՝ Գ. Ների, բունդիստների աշխարհում, մեր բոլոր հարեան-ների մօտ, մեր բովանդակ շրջապատում,—ապա միւս կողմից պատճառ ունինք միութարեւելու մեր սեփական դաշնակցական միջավայրի վերաբերմամբ... Այդ միջա-վայրը միշտ եղել է մահացու՝ դաւաճանութեան բա-ցիլների համար և վերջինները սովորաբար խեղդւել են սաղմի մէջ:

Եւ, վերջապէս, մեր զարմանալի, խորհրդաւոր ժա-մանկներում, պօլիցիական դաւաճանութիւնների և շառաչուն «մերկացումների» ներկայ ծանր մթնոլոր-տում՝ հին, «սրբազան գաղտնիքները» այլ ևս իսպառ կորցնում են իրենց իմաստը. բոլոր դաւաճանները յայտնագործւում են, բոլոր պետական անարգանքները փռւում են աշխարհի առաջ... Լօպուխի մարտիրո-սութեան դափնիները հանգիստ չեն տալ ուրիշներին— և այսօր գուցէ արդէն գողում են բոլոր նրանք, որոնք մտել են գառան մորթով, գալլի սրտով յեղափոխական շարքերի մէջ և բոլոր նրանք, որոնք վստահ տէրունա-կան գաղտնիքների բացարձակ անձեռնմխելութեան վրայ, կատարել են իրենց անարգ սխրագործութիւն-ները շարքերից դուրս... Եւ վա՛յ նրանց, այդ վատե-րին «Ուրվանշը» մի օր կը գայ, սարսափելի «հատու-ցումը» կը ժամանէ վաղ թէ ուշ... տերրօրիստի սրի ծայրին, ատրճանակի գնդակի մէջ...

Հեռու, ուրեմն, անվստահելի, կասկածելի տարրերը. թող քիչ լինենք դրօշակի շուրջը, բայց տողորած յե-ղափոխական, քաղաքացիական նկարագրով ու մօրալով: Վատ գործերը վարակիչ են — և այսօր աւելի քան երբեք անհրաժեշտ է ծայրայեղ, աշաւուրջ հսկո-ղութիւն մեր ամբողջ շրջապատի վրայ...

*

Շարքերը վերակազմելու հետ՝ զուգընթացաբար առաջ տանել կանոնաւոր ու մեթօդիկ աշխատանքը: Պրօպագանդը — մեր գերագոյն միջոցը: Արգել-ւում են հրապարակական ժողովները — պէտք է դիմել գաղտնի հաւաքումներին: Արգելւում է ինտելիգեն-ցիային՝ տալ բանւոր ու գիւղացի ընդհանրութեանը ամենատարրական ծանօթութիւնները գիտութեան ու կուլտուրայի մասին — պէտք է հիմնել, բազմացնել

ընթացական ու անսահմանական իլլեգալ ակումբներ, ինչպես նախնի օրերում:

Սակայն, սուերի մէջ մտնելով հանդերձ՝ յեղափոխական կազմակերպութեան առաջին հոգսը պիտի լինի՝ չը խզել երբէք իր կապերն ու շփումը ժողովրդային զանգւածների հետ: Ազատութեան կարճատև օրերում մենք տեսանք այդ զանգւածների ոգևորութիւնն ու հասունութեան աստիճանը, տեսանք թէ ինչպէս ագահութեամբ կլանում էին մեր խօսքը, մեր կուսակցական մամուլն ու գրականութիւնը, տեսանք, զգացինք կուսակցութեան թովիչ ազդեցութիւնը այդ մասսաների վրայ: Ուր են նրանք... Չեն անհետացել, ապրում են և կարողով սպասում են մեր ձայնին, մեր ընկերական խորհրդին ու ղեկավարութեան: Թողնւած ի սոստ ճակատագրի, նրանք զիւրութեամբ կարող են լքել ու ենթարկւել դեմօրակիցային...

Հսկայական է մեր պարտաւորութիւնը աշխատաւոր ընդհանրութեան հանդէպ: Անհրաժեշտ է այս կամ այն ձևով հակազդել, արձագանք տալ նաև լէգալ օրինական կեանքի այլազան արտայայտութիւններին ու պահանջներին. իսկ այնտեղ, ուր որ շատ թէ քիչ հնարաւորութիւն կայ ձեռք զարնելու աշխատաւորական—բանւոր կամ գիւղացի—միութիւնների, կօպերատիւների, փոխադարձ օգնութեան միութիւնների, արհեստակցական կազմակերպութիւնների—ընկերները պիտի աշխատեն օգտագործել հանգամանքը, հիմնել այդպիսի, թէկուզ և չէզոք, անկուսակցական միութիւններ, բանւորների, գործակատարների, գիւղացիների մէջ, ուղղութիւն տալ նրանց տնտեսական պայքարին, բարձրացնել նրանց նիւթականն ու հոգեկանը մանր ու խոշոր նւաճումներով, պատրաստել նրանց միաժամանակ գալոց վճռական ճակատամարտների համար... Աւելացնենք: Անդու կազմակերպելով ու աճեցնելով մեր շարքերը, մենք դրա հետ միասին պէտք է խոյս տանք ներվոտ, էքսցենտրիկ գործողութիւններից, չը վարենք կազմակերպական մեր աշխատանքը այն գիտակցութեամբ, թէ «վճռական ճակատամարտները» արդէն մօտ են... Ոչ, դժբախտաբար. Ռուսաստանի յեղափոխական ուժերի արդի վիճակում՝ մասսային բաղադրական շարժումները չեն կարող լինել մօտիկ ապագայի հնարաւորութիւն... Հարկ է ամուր դրոշմել այդ մեր մտքի մէջ և գիտակցել, որ առանձնացած, յախուռն, անսխտեմ բռնկումները միմիայն մէկ Ծայրագաւառում, միմիայն մի փոքրիկ ժողովրդի ծոցում, այժմեան ծանր պարագաների մէջ դատապարտւած են ցաւագին, ազէտաբեր վիժումներին... Խնայել պէտք է յեղափոխական կորովը, մանաւանդ մեր սակաւարիւն միջավայրում, գործադրել այն՝ միայն *in extremis*, միայն այնպիսի ծայրագոյն պայմաններում, երբ կայ մի տեսակ անդիմադրելի *force majeure* և երբ նա կարող է գործադրւել աղողութեան խոշոր հաւանականութեամբ...

Պրօպագանդը — մեր ամենօրեայ, լաւագոյն զէնքը: Պրօպագանդը այն մեծագործ, յեղաշրջող ուժն է, որ վիժխարի պատնէշներ է վայր գլորում... Բրօշխարների, գաղտնի ու յայտնի գրականութեան, գրաւոր ու բանաւոր քարոզի հեղեղն էր, որ մտքերը պատրաստելով, առաջ բերեց 1905-ի սօցիալիստական հոյակապ զօրաշարժը ամբողջ ռուս կայսրութեան մէջ և որ խլեց գոռոզ միապետից հոկտեմբերեան մանիֆեստը: Քարոզները ամենուրեք մեր կուսակցական աւետարանը և չը վհատինք, որ ժողովրդային զանգւածները փութով, զիւրութեամբ չեն իւրացնում այն: Այդպէս է գաղափարների ճակատագիրը: Նոյն Ռուսաստանում, չը նայեա՞ծ մի շարք տասնամեակների անդադրում աշխատանքին, այսօր տակաւին անջրպետների կան աշխատաւոր ընդհանրութեան և ռամկավար ու սօցիալիստ մտաւորականութեան միջև. վերջինս փայլուն, անգնահատելի նւաճումներ է արել, բայց միայն տակաւին 80 միլիոնաւոր աշխատաւորութեան մի փոքրիկ հատւածի մէջ: Երևոյթը—որ «զանգւածային հոգեբանութեան» մէջ նորատեցութիւն (միզոնէիզմ) անունն է կրում—յատուկ է նաև արեւմտեան մասսաներին, որոնք ունին իրենց ետեւում հարիւր տարւայ յեղափոխական կեանք ու ազատագրական թռիչքներ:

*

Գաւառը, մանաւանդ, չը լքենք: Սեր կազմակերպական ապակենտրոնացումը—ինքնին մեծ, համակրելի մի սկզբունք—ունի երբեմն իր սուերաւոր կողմերը: Դուռ բանալով երբեմնապէս անխնայական անկարգութեան, նա յաճախ մատնում է հեռու գաւառների մարմինները կորածութեան ու մոռացութեան: Քանի՞ անգամ գանգատներ ենք լսել այդ հեռաւոր անկիւնների կօմիտէներից, իրենց լքած ու անօգնական վիճակի մասին: Կուսակցական հրատարակութիւնները նրանց չեն հասնում, կուսակցական կենդանի խօսք նրանք չեն լսում—ձեռնհաս գործիչները խիստ սակաւ են երևան գալիս նրանց հօրիզոնում: Այն մարմինները, որոնք իրենց աշխարհագրական դիրքերով և ընդհանուր ժողովներից առած որոշ իրաւունքներով ստանում են կենտրոնական մարմինների հանգամանք, սովորաբար ծծում են կուսակցութեան լաւագոյն ուժերի մեծամասնութիւնը—և գաւառական կօմիտէները մնում են յաճախ բախտի կամքին: Հետեւանք—կազմալուծում: Աւելի ևս Հետեւանք լինում է այն, որ տեղ-տեղ զարգանում է շանտաժային, խուլիգանական շարժումը, նոյնիսկ կուսակցութեան անունը կրող անհատների մասնակցութեամբ: Յիշենք, թէկուզ, ամենահայաշատ Շիրակը իր զուտ հայկական ու աշխատաւորական կենտրոնով, որ մօտ անցեալում անպատիւ շանտաժների թատր էր դարձել—մի տեսակ կուսակցական վանդէա... Կազմակեր-

պուլիսը հասնում էր, ի հարկէ, ժամանակին և քաւել տալիս յեղափոխութեան տղուկներին, բայց այն էլ ցաւ է, որ նրանք կարողանում էին հրապարակ գալ և տարածել իրենց թունաւոր շունչը գաւառի վրայ: Ծրագրային կենդանարար խօսքի տեղ, ահագին հայ աշխատաւոր ազգաբնակութիւնը կերակրւում էր երկար ժամանակ շանտաժային հերոսների սխրագործութիւններով և բնականաբար պաղում էր՝ թէ դէպի կազմակերպութիւնը և թէ առհասարակ դէպի ամեն մի գաղափարական գործ:

Ապակենտրոնացումը, հեռաւոր մարմինների ինքնագլուխ ու ավտոնոմ գործունէութիւնը լաւ բան է, ի հարկէ, բայց միայն պայմանով՝ որ նրանք կարողանան սեփական ուժերով զարգանալ ու բարգաւաճել:

Պէտք է դարձան գտնել գաւառական անտէրու-թեանը: Այնտեղ, անդրկովկասեան խուլ ու խոպան անկիւններում շատ քիչ են արծարծւել մեր սօցիալական ու քաղաքական գաղափարները, և եթէ եղել են մերթ ընդ մերթ ըմբոստութեան բռնկումներ մեր դրօշակի տակ, — դա էլ եղել է գուցէ մեծ մասամբ՝ տարերայնօրէն, մղած այն խորունկ հաւատից ու վստահութիւնից, որ ժողովուրդը տածել է միշտ դէպի մեր դրօշը: Կովկասեան ոչ մի կուսակցութիւն — վերջին տաքնապոտ շրջաններում — չի ունեցիլ իր տրամադրութեան տակ այնքան ընդարձակ, մասսային ուժ, ինչպէս մենք — և, կարելի է ասել, ոչ մի կուսակցութիւն չի ցոյց տւել այնքան ինկրատ անտարբերութիւն դէպի իր մասսաների կրթութեան ու դաստիարակութեան խնդիրը — ինչպէս մենք: Ուժեղ կազմակերպութիւնները չեն թագցնում իրենց վրիպումները: Խոստովանենք և ջանանք սրբագրել նրանց:

Ուժերի ծայրայեղ խնայողութեան հետ (թէ մտաւոր և թէ նիւթական ուժերի)՝ անհրաժեշտ է նրանց խելացի բաշխումը: Պրօպագանդի ծանրակշիւ գործը, որի աջող կամ ձախորդ տնօրինումից կախած է կազմակերպութեան ապագան, պէտք է դրւի մեր բոլոր մարմինների մէջ ամենալուրջ վերաբնութեան: Կապէտք է դրւի խոր ու բանաւոր հիմքերի վրայ, որպէսզի ստեղծէ ամբողջ կուսակցական օրգանիզմի մէջ ներդաշնակութիւն ու ամբողջութիւն: Վերջին Ընդհանուր Ժողովը որոշել է — նոյն ամբողջացման նպատակով — կենդանի յարաբերութեան մէջ դնել մեր հրատարակչական մարմինները: Միանգամայն տեղին է ընդհանրացնել այդ որոշումը և աշխատել ամենակենդանի կապ ու շփում հաստատելու կուսակցութեան կենտրոնների և հեռաւոր ծայրերի միջև: «Շրջիկ պրօպագանդիստների» սխտեմը, որ անցնալով շօշափելի ծառայութիւններ է մատուցել մեզ, պէտք է դառնայ իրօք սխտեմ, ոչ կցկտուր, պատահական մի մարզանք: Գէթ նրա միջոցով կենտրոնական հաստատութիւնները

պիտի ձգտին լրացնել գաւառների կարիքները, կատարել նրանց հանդէպ իրենց պարտքը — որոշ չափով հսկողութիւն, որոշ չափով ղեկավարութիւն:

Յատուկ շրջիկ պրօպագանդիստներ — գիւղացիութեան համար: Որքան անհրաժեշտ է այդ խաւար ու տարաբախտ աշխարհում մի հզօր ու կուռ կազմակերպութիւն, որ ամեն օր արձագանք տայ կենքի ցաւոտ պահանջներին, հովանաւորէ մանր, անհոգ ու սակաւահոգ գիւղացիութիւնը — մեր ծրագրի ու տենչերի կենտրոնական առարկաներից մինը — ամեն կարգի գիշատիչների դէմ:

Յատուկ շրջիկ պրօպագանդիստներ — երիտասարդութեան համար: Պէտք է պինդ պահել մեր ձեռքերում ամենաթանկագին այդ տարրը, հեռու փաստակար ազգեցութիւններից, հեռու նաև բուրժուա-լիբերալ ու ս.գ.ական ներշնչումներից: Երկուսն էլ հաւասարապէս ծուլարար, ընդարմացնող: Կենդանի, առողջ գործի երիտասարդութիւնն է եղել միշտ մեր դրօշակի տակ — ոչ ամուլ ֆրազէօլօգիայի և անհատնում բեզօնօրութեան երիտասարդութիւնը: Այդպէս պիտի լինի և այսուհետև: Սօցիալական վարդապետութիւնների ու նշանաբանների քարոզի հետ՝ պէտք է յար և միշտ արծարծել այդ երիտասարդ շարքերում ռազմական, ըմբոստ ոգին, մտցնել նրանց գիտակցութեան մէջ, որ ներկայ երեւութական անդորրութիւնը ժամանակաւոր է, որ քաղաքական միջոցաւորը դառնալու է միշտ աւելի խեղդուկ ու մահաբեր, որ բէակցիայի ջանքերով իսկ, նրա գահավէժ ու խելակորոյս ընթացքով՝ համառութեան կենքը նորէն վաղ թէ ուշ բռնւելու է օրհասական ու ազատարար ցնցումներով, որոնց — ուզենանք թէ չուզենանք — պիտի մասնակցենք մենք ևս... Գուրգուրանքով պահպանենք երիտասարդ աշխարհի մէջ ցանած մեր այն նւիրական կորիզները, այն մարտական սաղմերը, որոնց կուռ մէջքին յենւած՝ մենք վարեցինք երէկայ անմոռանալի ճակատամարտները և որոնք ապագայում ևս — երբ շարժման կոհակները վերստին կը հեղեղեն ամենուրեք — դարձնալ հանդէս կը քան իրենց զւարթ ու կենսուրախ շարքերով և կը քարշեն իրենց ետքից մասսաներին...

2րդ մոռանանք և աճող սերունդը: 2րդ մոռանանք այն մատաղ գլուխները, որոնցից շատերը այսօր արդէն մեր կրտսեր ընկերներն են, որոնք մօտիկ ապագայում, մեր հայեացքներն իւրացրած, մեր ծրագիրը խորացրած, պիտի մղեն մեր շարքերում ժողովրդական պայքարը յանուն ազատութեան ու սօցիալիստական հաւասարութեան: Ահա նրանք հազարներով տնքում են դպրոցներում, ենթակայ մեծ մասամբ ապականող, ալլասեռող բէթիմների, կարօտ նոր խօսքի, մտքերի ու պատգամների, ծարաւ, գուցէ, գաղափարական, անձնուրաց թռիչքների... Գնացէ՛ք, ընկերներ,

աշակերտութեան մէջ, բազմացրէ՛ք նրանց մէջ
ևս ազատարար «կորիզները» — աշակերտական
միութիւնները, մեր դրօշի տակ, մեր ընկերա-
կան—ոչ մենտորական—ղեկավարութեան ներքոյ: Տա-
րածեցէ՛ք նրանց շրջաններում մեր կուսակցական գրա-
կանութիւնը, խթանեցէ՛ք նրանց մատուց հարցասիրու-
թիւնը: Տէ՛ք նրանց խնդիրատիւ, ինքնուրոյնութիւն, և
մի՛ դատապարտէք կրաւորականութեան: Ուղղութիւն
տէք նրանց մտաւորին ու բարոյականին, բայց վաղա-
ժամ մի՛ փաթեցէ՛ք նրանց վզին՝ ձեր քաղաքական
ու սօցիալական գաղափարները: Վառեցէ՛ք նրանց մէջ
ուսումնասիրութեան ծարուր և միաժամա-
նակ իդէալիզմի ու անձնութեան կայծերը: Պատ-
րաստեցէ՛ք նրանցից աշխատաւոր ժողովրդի ապագայ
բարեկամներ ու պաշտպաններ, կրթեցէ՛ք մարտըն-
չողներ...

Երեւ, նւիրական, գեւարականձիւ պարտաւորութիւն-
ներ... Հարուստ, ճիւղաւորած, բազմազան մի աշխա-
տանք: Այդպէս է մեր կուսակցութեան աշխատանքը:
Այդ ահագին պահանջին գոհացում ապու համար՝
անհրաժեշտ է ուժերի պատկառելի մի պաշար: Իւ-
նախ—մտաւոր ուժերի: Պրօպագանդային այդ
բարդ գործունէութիւնը պահանջում է կուսակցական
հասուն, կարող ինտելիգենցիա, մտաւորակա-
նութիւն, որ բերէ թէօրիական ծանօթութիւնների
լոյսը այդ զանազան շրջանների մէջ, ներշնչէ, կազմա-
կերպէ, ղեկավարէ: Կրաւորականութիւն՝ որ կարողանայ
ստեղծել ամենուրեք գիտակցական վերաբերում դէպի
շրջապատող երեւոյթները, բացատրել, մեկնաբանել այդ
այլազան խաւերին իրականութեան ու հասարակական
գիտութեան բազմապիսի կնիքները,— թեւ տալ անգէտ
և ագնիւ աշխատաւոր մասսաներին, օգնել նրանց ընտ-
րելու լաւագոյն ճանապարհը կեանքի ճնշող լաբիրինթ-
թոսում,— այդպէս միայն կը պատրաստւի յեղափոխական
առաջադիմութիւնը, այդպէս միայն կը մնի ու կը բար-
գաւածէ մի այնպիսի մեծ կազմակերպութիւն, որպիսին
մերն է, կըստեղծւի նրա շարքերում բաղձալի համա-
դրութիւնը, սինթեզը, բոլոր հաստատունների ներդաշնա-
կութիւնն ու ամբողջութիւնը... Գաղափարներով են
ապրում, շնչում քաղաքական ու սօցիալական կուսակ-
ցութիւնները, — ցանե՛լ պէտք է այդ գաղափարները,
ըստ կարելոյն առատութեամբ և ըստ կարելոյն լայն
չափերով՝ կենտրոններից դէպի հեռավոր ծայրերը:

Ունի՞նք արդեօք այդպիսի մտաւորականութիւն...
Այստեղ դարձեալ նոյն վշտառիթ հակօրինութիւնը:
Թւում է, ունինք, բայց և չունինք: Ասացինք բիչ առաջ,
որ կովկասեան ոչ մի կուսակցութիւն չունի մաս-
սաներ այնպիսի լայն համեմատութեամբ, ինչպէս
մենք: Նոյն դիտողութիւնը արդարացի է ինտելիգեն-
ցիայի նկատմամբ: Գաշնակցութեան շրջանակներում

տեղաւորած է հայկական լաւագոյն մտաւորականու-
թեան մեծամասնութիւնը: Բայց այդ ահագին ուժը չի
գտնում ցանկալի բաղնուլն ու գործադրութիւն մեր
պայքարի ուղղութեամբ: Մի կողմ թողնելով այն ան-
հատներին, որոնք տակաւին գտնւում են գաղա-
փարական տարուբերումների հոսանքում,
մէկ ոտքով սօցիալիզմի մէջ, միւս ոտքով՝ դեմօկրա-
տիզմի—գաշնակցական ինտելիգենցիան ինչպէս շեշտե-
ցինք «Դրօշակի» նախորդ խմբագրականով, ընդհան-
րապէս շատ բիչ ուղարկութիւն ու եռանդ է նւիրում
քարոզչական գործունէութեանը, մանաւանդ խօսքի
պրօպագանդիստ: Այդ հանգամանքն ունի իր ծա-
նօթ բացատրութիւնը, եթէ ոչ արդարացումը: Գործի
պրօպագանդը սկզբից ի վեր կուսակցութեան
եզակի մտահոգութիւնն է եղել և մենք յաճախ առիթ
ենք ունեցել տեսնելու, թէ ինչպէս հակառակորդ կու-
սակցութիւնների մասսօրսութեան գլխապա-
տառ արշաւանքի հանդէպ—երբ նրանք ճգնում էին
խել չողը մեր ոտքի տակից, խել մեզնից մեր մաս-
սաներին բաղաժնորում ու գաւառներում—տեսել ենք,
ինչպէս մեր ընկերները, գրեթէ ձեռնածալ հանդիսա-
տեսներ, ստոյիկեան հեգնախառն անտարբերութեամբ
բացականչել են. «Ինչքա՛ն կուղեն թող տքենն, մեր
մասսաները մեզ չեն թողնի»...

Այդ ջինջ ու լաւատես ինքնավստահութիւնը չը
պէտք է անվերջ գուրգուրէ մեզ հանգստաւէտ օրօր-
ներով,— ժամանակ է ձեռք զարնելու ամենուրեք, մա-
նաւանդ գաւառներում, եռանդուն, ինտելիգենտ պրօ-
պագանդիստ Ունինք արդէն հրապարակի վրայ ուսում-
նաւարտ երիտասարդների պատկառելի մի պլէադ, գի-
տական, թէօրիական ծանօթութիւնների բազմաթիւ:
Ուրիշները, համալսարանական նստարանի վրայ, Եւրո-
պայում, Ռուսաստանում, վաղը կ'երթան ստաւարացնելու
շարքերը: Մեր կուսակցական ինտելիգենցիան ևս լի-
նելութեան պրօցէսի մէջ է (im Werden), նա
օրէցօր աճում է, կազմաւորւում և—կարելի է ասել—
նաեւ համադրւում, ամբողջանում: Միշտ աւելի միա-
պաղաղ, ներդաշնակ, միշտ աւելի տոգորած կուսակ-
ցական աշխարհահայեացքով: Զգո՛ւմ են արդեօք մեր
ուսանող ընկերները, որոնք այսօր Եւրօպայի ուսման
լաւագոյն տաճարներում ընդունում են գիտութեան
ու հասարակականութեան ճառագայթները—զգո՛ւմ են
արդեօք, թէ որքան ծանր, բայց և հրապուրիչ, պա-
տասխանատուութիւն է ծանրանում իրենց երիտասարդ
գլուխների վրայ... Պատասխանատուութիւն պատմական
մեծ վայրկեանի առաջ, ժողովրդի առաջ, կուսակցու-
թեան առաջ: Մի ահագին օրգանիզմ—թէկուզ միայն
մեր կուսակցական օրգանիզմը իր հում, խոպան զանգ-
ւածներով—սպասում է նրանց բեղմնաւոր մշակման,
աջակցութեան ու գործակցութեան:

Մեծ վայրկեանին — և մեծ սերունդ... Եւ այդ սերունդը թող հեռու մնայ այն շաբթոն ու թեթեւութիւն մարզանքների գալթակողութիւնից, որ բնորոշում է մի շարք ձախակողմեան ֆրակցիաներին մեր կովկասեան ու հայկական միջավայրում: Թող հեռու մնայ նրանից յեղափոխական մակերեսային գիլլետանտիզմը և նեղգրուխ ու ֆրազամոլ դոգմայնութիւնը: Սոցիալիզմը չը հասկանան աղանդի մտքով, դասակարգային պայքարը չը հասկանան նեղ, գռեհիկ և տարամերժ խմաստով: Ոչ մի դասակարգ չը դարձնեն: Բացառիկ կուլտի, պաշտամունքի առարկայ, այլ ամբողջ աշխարհը Աշխատաւոր Ընդհանրութիւնը — բանւորութիւն, իրաւագործ գիւղացիութիւն, իրաւագործ արհեստաւորութիւն, գաղափարական մտաւորականութիւն — դարձնեն իրենց տիրական մտահոգութեան կենտրոնակէտ:

Քաղաքական ու սոցիալական դաւանանքների աշխարհում՝ պէտք է ներշնչել եւրոպական աղբիւրներից — ոչ ռուսական: Ռուսները մտաւոր կուլտուրայի մէջ տեւել են մեզ անգնահատելի և անմոռանալի դասեր, բայց ռուսական առանձնայատուկ սոցիալիզմը մենք չենք կարող ընդօրինակել: Նրան պակասում է այն լայն ոգին, այն իրապաշտ ու ամբողջական ըմբռնումը, որ բնորոշում է արեւմտեան սոցիալիստներին: Նրան յատուկ են վաանգաւոր ծայրայեղութիւններ, սոցիալիստական մի տարամերժ աղանդականութիւն: Այդ վտանգաւոր ծայրայեղութիւններով — որ պակաս գեր չը խաղացին յեղափոխութեան վիժման մէջ — մեղանջում են ռուսական մարքսիստները, համեմատաբար նւազ չափով և սոցիալիստ-յեղափոխականները: Յեղափոխութիւն և սոցիալիզմ ձուլւում են այնտեղ, ձուլւել են միշտ: Յեղափոխութիւնը, քաղաքական յեղաշրջումը աներեւակայելի, անհնարին է թւում առանց սոցիալիզմի և այդ իսկ պատճառով կռիւների՝ նոյնիսկ ամենասուբտ ազնայների ընթացքում շատ յաճախ մերժւում է ոչ-սոցիալիստ, բուրժուա-դեմոկրատ հոտաւանների գործակցութիւնը: Մերժւում է, իրրեւ չարիք, սարսուփելի մի պատուհաս, որ կարող է վարկաբեկել պրօլետարիատի, սոցիալիզմի դատը, նրա «կուսական մաքրութիւնը»...

Մեր սոցիալիզմը ընդհանուր ոչինչ չը պէտք է ունենայ այդ ըմբռնումի հետ: Քաղաքական խեղդիչ ու մահաբեր մթնոլորտում, ազատագրական մեր դժուարին աշխատանքի մէջ՝ չը պէտք է մերժենք աջակցութիւնը, նոյնիսկ ժամանակաւոր դաշինքները, այնպիսի տարրերի, որոնք թէև հակառակ մեր սոցիալական ծրագրին, բայց պատրաստ են գործակցել յանուն ընդարձակ սահմանադրութեան յաղթանակի: «Բուրժուա» «կադետ», մանր-բուրժուա անունները չեն շփոթեցնի մեզ: Չենք վախենայ «ածականներից»: Աւելի լաւ է

բոլոր բուրժուա-սահմանադրական տարրերի հետ միացած գիւրացներ բաղաբական վերիվայրումը, քան թէ միայն պրօլետարիատի ու նման ուրիշ կուսքերին փարած՝ լողալ անվերջ բէակցիայի ու ստրկութեան արիւնագոյն ճահճի մէջ: Եթէ սպասենք, որ քաղաքական յեղափոխութեան յաղթանակի համար Ռուսաստանի բազմամիլիօն աշխատաւոր ընդհանրութիւնը գրկէ գիտակցօրէն Մարքսի կամ Լաւրօվի աւետարանը, հաւանօրէն պիտի սպասենք շատ երկար... Այդ ճշմարտութիւնը նոր-նոր են կարծես ըմբռնում ռուս սոցիալիստ կուսակցութիւնները, — դառն, աղէտալի փորձերից յետոյ... Եւ մինչդեռ ս.դ.ւների մի մասը դնում է այժմ իր յոյսերը բուրժուա-լիբերալ տարրերի վրայ, ս.դ.ւների կենտրոնական օրգանը հետեւալ նշանակալի յայտնութիւնն է անում. («Զնամիա Տրուդա», օգոստոս 1909 թ.):

«Որքան էլ սերտ ձուլւած լինին յեղափոխութեան ու սոցիալիզմի գաղափարները մեր աշխարհայեացքում — այնուամենայնիւ, մեր տակտիկի մէջ սոցիալիզմի և յեղափոխութեան շահերը կարող են երբեմն շատ թէ քիչ շեղել, տարբերել իրարից: Աւելի ճիշտ՝ ոչ թէ առհասարակ յեղափոխութեան, այլ որոշ, տւեալ յեղափոխական շարժման շահերը կարող են շատ թէ քիչ շեղել սոցիալիզմի շահերից»:

Զգաստ, առողջ ուշալիզմը մի վայրկեան անգամ չը պիտի թողնէ մեզ՝ ազատագրական գործունէութեան մէջ: Սոցիալիզմի ու տնտեսական ազատագրութեան գրօշակը բարձր պահելով հանդերձ՝ նախ քաղաքական կուլտի վրայ է, որ Ռուսաստանի բոլոր գիւրագրական կուսակցութիւնները պիտի կենտրոնացնեն իրենց ճիգերը: Այդպէս է պահանջում իսկական, չը խեղաթիւրւած սոցիալիզմի շահը: Աւելի ևս: Երբ չը կայ երկրում յեղափոխական գործօն, կամքոտ ռամկավարութիւն, դեմոկրատիա, — սոցիալիստական բանակը պիտի ստանձնէ մի յայտնի չափով այդ ռամկավարութեան պաշտօնը: Յեղափոխական կորովի ոչ մի հիւլէ չը պէտք է արհամարհել, դէն չպրտել՝ անգամ յանուն ամենահրապուրիչ ֆորմուլների ու նշանաբանների — և երբ մենք կանգնած ենք սոցիալիստական ու բուրժուա-դեմոկրատական համերաշխ գործակցութեան որեւէ ձեռնարկի հանդէպ՝ յօգուտ քաղաքական յեղաշրջումների՝ մենք գոյնանման պարագաներում չենք ղեկավարել այն տեսակ նկատումներով՝ թէ արդեօք չենք շեղւում դասակարգային պայքարի ճամբուց, չենք խախտում մեր ծրագրային կուսութիւնը, չենք մթնացնում աշխատաւորութեան դասակարգային գիտակցութիւնը... Եւ մենք չենք, որ կը մեղանջենք սոցիալիզմի դէմ, այլ նրանք, որոնք կը յետաձգեն ու կը վտանգեն քաղաքական յեղափոխութիւնը այդպիսի ճղճիմ մտահոգութիւններով: Սոցիալիզմը մեղաւոր չէ, որ ռուսական կուսակ-

ցութիւնները հասցրել են նրա վարդապետութիւնը ծայրայեղ սխալացման, յաճախ նոյնիսկ կարիկատուրի, հասցրել են նեղ, անհամբերող ու աղանդապաշտ դոգմայնութեան, ուր արհամարհում ու կատաղութեամբ դէն է շարտում—անգամ երկունքի տագնապներում—այն ամենը, ինչ որ դուրս է «դասակարգային շրջանակներից»...

Դասակարգերի կռիւն, անշուշտ, ամենաազդու, ամենաիրական միջոցն է՝ սոցիալիստական հաւասարութեան կարգերն իրագործելու համար և այդ նպատակով ամենուրեք ու յարաժամ կազմակերպում են աշխատւոր զանգաւանները. բայց սոցիալիզմի գաղափարը լայն է, նա չի ընդունում աղանդներ, չի հանդուրժում—մանաւանդ յետամնաց, բռնակալական երկրներում—ազատագրական շարժումների նեղ, տարամերժ ըմբռնումը. նրա ձգտումն է՝ ոչնչացնել սարկուծեան ու կեղեքումի բոլոր ձևերը, նրա նպատակն է—նոյնիսկ մարքսեան արտայայտութեամբ—ոչ միայն մէկ առանձին դասակարգի, այլ բոլորական մարդկութեան ազատագրումը քաղաքական, տնտեսական, կրօնական, ազգային ու այլ կապանքներից. սոցիալիզմը վաղուց նոյնպէս հրաժեշտ է տւել ուսուցիական զառանցանքներին, վաղուց իջել է մետաֆիզիկայի ամպամած բարձունքներից դէպի առօրեայ իրականութեան խորշերը. նա գիտէ, որ մարդկային բարդ ու հարուստ գոյութիւնը իր բիւրաւոր հանգոյցներով չի կարող պարփակւել մէկ ֆորմուլի շրջանակներում, նա գիտէ, որ իր փշոտ, առաքելական ճանապարհի վրայ՝ ստիպւած է առհասարակ լինել ուշալիստ, իրապաշտ, ստիպւած է հաշի առնել իրականութեան բոլոր ահաւոր խորդ ու փոսերը, սպասաւորել իր իդէալներին տարբեր, այլազան սխտեմներով, կռիւ տարբեր մեթոդներով—նայեա՜ծ տեղին ու ժամանակին—գնալ յաճախ ծուռ, զարուղի ճանապարհներով, գնալ քայլ առ քայլ, աստիճանաբար, զատել հեռաւոր և մերձաւոր նպատակները, շեշտել հրատապ, այժմէական պոստուլատները, որոշել իրագործելին ու իդէալականը, ձեռք տալ յաճախ այնպիսի տարրերի, որոնք միանգամայն ներդաշնակ չեն իր ջինջ, պայծառ էութեան հետ, օգտուել գաղտնի յաղթանակի համար այն բոլոր ուժերից, որ իրականութիւնն ընձեռում է իրեն, շահագործել բոլոր ըմբոստ գործօնները, յեղափոխական կորովի անգամ ամենաթույլ արտայայտութիւնները—երբ, մանաւանդ, հարկաւոր է նւաճել մարդկային ամենատարրական իրաւունքները, քաղաքական ազատութեան առաջին հանգրեանը, առանց որի անհնարին է և սոցիալական բնականոն առաջադիմութիւնը...

Այդպէս է ճշմարիտ, չը խեղաթիւրւած սոցիալիզմը. այդպէս է նրա ձևակերպումը միջազգային կոնգրէսներում և այդ իրապաշտ ըմբռնումից չւերով է, որ

Լնտերնացիօնալը հրահանգում է իւրաքանչիւր երկրի տարբեր, հակամարտ սոցիալիստ հատկանքներին՝ միանալ ի մի ներդաշնակ աշխատաւորական, սոցիալիստական բանակի Մի հրահանգ, որ, աւաղ, մեզ մօտ, Ռուսաստանի մէջ, հնչում է, որպէս անապատում...

Երբ մեր ինտելիգենտ ընկերները կ'ազատագրւին ռուսական առանձնայատուկ ըմբռնումների ազդեցութիւնից և կը ներշնչւին արեւմտեան այդ առողջ ուշալիզմով—առանց յախուռն ու ծայրայեղ թուլքների դէպի ձախ, առանց դոգմային գլխապատառ յափշտակութեան, բայց և առանց ծոյլ ու անգոյն պատեհապաշտութեան—երբ մենք կ'ունենանք մի բանի տասնեակ ժիր, ձեռնհաս, երիտասարդ գլուխներ, լուրջ ու խորունկ պատրաստութեամբ, որ կը մտնեն մեր իրականութիւնը, մեր կազմակերպութեան շարքերը պրօպագանդիստի, ղեկավարի պաշտօնով, որ կ'երթան պայքարելու մոլար ու խակ գաղափարների, դոգմայական նախապաշարումների դէմ, հնչեցնելով միաժամանակ սոցիալիստական ու ռամկավարական համերաշխութեան շեփորը,— ոչ միայն մեր կուսակցական շարքերը կ'ամրապնդւին ու կ'ապահովւին միանգամ ընդմիշտ այլասեռումից, ոչ միայն մեր զանգաւանները գիտակցական, աստիճանական զարթոնումի մէջ աւելի ջերմ կը փարին մեր դրօշակին, այլ և թարմ ու առողջ մթնոլորտը կը թագաւորէ մեր երկրում, կը վերանայ մեր հօրիզօնից մեղկ ու ճոռոմ ֆրազէօլօգիայի մառախուղը, որ երէկ, քաղաքական տագնապների ու հայ ժողովրդական զուլումների միջոցին իր անբան հակառակորդութեամբ այնքա՛ն թունաւորում էր մեր տրամադրութիւնը...

Ք Ա Ղ Ա Ք Ա Կ Ա Ն

Պ Ա Տ Մ Ա Կ Ա Ն Մ Ե Ն Ա Մ Ա Ր Տ

(Ժողովուրդի եւ Աջնեւականութիւն)

Ահա՛ մարդիկ, որոնց բախր ամեն բան ընծայել է եւ որոնք, սակայն, զլանում են իրենց հսկայական առաստօթից մի չնչին բաժին հանել՝ հովանաւորելու քուստութեան ու յուսահատութեան սարսափների դէմ՝ նրանց (աւխաւաւորների), որոնք սեղծել են այդ հարստութիւնները...

ԼՂՅԴ ԶՈՐԶ

Անգլ. ժինաւս. միջիստ

Անգլիան ծայրէ ծայր բռնւել է քաղաքական մի անօրինակ տագնապով։ Վաղուց, դարերից ի վեր՝ այդ զգօն, ծանրաբարոյ, հաւասարակշռած, մեծ ազգը չի ապրել այսպիսի խորունկ ցնցումներ և երբեք բրիտանական պարլամենտը վկայ չի եղել այդքան բուռն ու մոլեգնոտ ճառերի, ծափահարութիւնների։

Դասակարգերն ու քաղաքական կուսակցութիւնները—թէ և խիստ զուած այդ երկրի մէջ—չեն մատնում

առհասարակ այնպիսի սուր հակամարտութիւն, չեն արտադրում այնպիսի ուժգին բաղիւններ, ինչպէս եւրոպական ցամաքի վրայ: Սօցիալական առաջադիմութիւնը գնում է սովորաբար խաղաղ, չափաւորած տեմպով, առանց ոստիւնների ու թռիչքների— և այդ պատճառով բուրժուա-սօցիալիզմներից, հասարակագետներից ոմանք հաշկում են անգլիական էւօլիւցիան, իբրեւ «նորմալ», բնականոն, հետեւապէս՝ ընդօրինակելի, իսկ ցամաքայինը (չլիսաւորապէս ֆրանսիականը), իբրեւ «անորմալ», անբնականոն, հետեւապէս՝ դատապարտելի... Իրում են բուրժուազական իդէօլոգիաները Անգլիայի այդ խաղաղ, հաւասարակշռած տեմպը, որի մէջ տեսնում են ու էւօլիւսիօնի բացասումը և էւօլիւսիօնի գրաւառումը: Մոռանում են, որ այդ խաղաղասէր երկիրը ևս ունեցել է յայտնի վայրէտաններում իր բուռն տաքնապները, որ այդ «պահպանողական» ժողովուրդը ևս ունեցել է իր խօսական ժեստները, մոռանում են, որ, եթէ Գրան-սիայում մի ժամանակ աղատութիւնը յաղթանակել է Լուիզօֆիկոս XVI-ի գլխատումով, ապա զգոն ու պաղարիւն անգլիացիք ևս չեն վարանել— նոյն ազատութեան յաղթանակի համար— մահաւան սոսկալի միքետային յանձնել իրենց թագաւոր Վարդոս I-ին...

Ճիշտ է սակայն, որ մի քանի կղզիացած ժեստներից դուրս՝ Մեծ Բրիտանիայի քաղաքական ու հասարակական զարգացումն ընթացել է խաղաղ, աստիճանական բարեփոխումներով, ընդհանրապէս անարիւն «էւօլիւցիայի» օրէնքով:

Իւս այդ ճանապարհով հսկայական նւաճումներ է արել բրիտանական ժողովուրդը: Պարլամենտական կարգերը այն աստիճան առաջ են գնացել, որ նախնաձի առարկայ են բոլոր խոշոր ցամաքային պետութիւնների համար. անհատի անձեռնմխելիութիւնը, քաղաքական իրաւունքները—խօսքի, մամուլի, գումարումի, դաւանանքի, գործադուլի ազատութիւնները—այնպիսի ընդարձակ չափեր են առել, որ անգամ Շվեյցարիան դեռ չի իրագործել: Թագաւորի իշխանութիւնը հասցրել է կոլոր գերօրի, իշխում է, առանց կառավարելու—ժողովրդի միահեծանութիւնը հաստատուել է անսասան կերպով—չը նայեա՞ծ ընտրական իրաւունքի սահմանափակման—և պարլամենտի լիազօրութիւնը այնքան ընդարձակ է, որ դարձել է առասպելական: «Անգլիական պարլամենտը ամեն բան կարող է, բացի մի սեռը միւսին վերածելուց»—այսպէս է ձայնում մի ընթացիկ ասացածը:

Չը նայեա՞ծ, սակայն, դեմոկրատիզմի, ժողովրդապետական սկզբունքի այդքան խոշոր առաջադիմութեան, դեռ մինչև օրս պահպանում են այդ զարմանալի երկրում միջնադարեան մի շարք սովորութիւններ ու հաստատութիւններ, որոնցից հին, գիշատիչ, աւատապետական հասարակագիտի հոտն է բուրումը... Դրանցից ամենախոշորը Լօրդական պալատն է, «բարձր պալատը», որի հանդէպ իսկական պարլամենտը կոչւում է «ստորին պալատ»: Մի դասակարգ, որ վաղեմի ֆէօդալականութեան պէս, գրաւել է երկրի հսկայական ու լուսագոյն հողերը, և որ պահպանում է տնտեսական հպատակութեան մէջ միլիոնաւոր գիւղացիական ընդհանրութիւնը, — նա շեշտւում է կեանքի բոլոր

ասպարէզներում, ուզում է շեշտել նաև քաղաքական իշխանութեան յաւակնութիւններով: Լօրդերի դասակարգն է, Հոդային և փոդային արխտօկրատիան, ազնւականութիւնը:

Մի տեսակ հակասութիւն է հնչում... այդքան դեմօկրատիկ մի երկիր և միանգամայն այդ աստիճան արխտօկրատիկ: Մի երկիր, որ 13-րդ դարից ի վեր, ամենից առաջ, ամենից ամուր գրկել է սահմանադրական ազատութեան դրօշակը— և ահա լօրդերի առանձնաշնորհեալ կաստը 20-րդ դարում, իր կատարեալ շքի, պերճանքի ու ազդեցութեան մէջ... Արպէս մի անախորժ ժամանակավրէպ...

Դա անգլիական առանձնայատուկ պատմութեան գաղտնիքն է: Արդարեւ, պահպանել են մի շարք հին, միջնադարեան ազնւագետական առանձնաշնորհումներ. անգլիացու հոգեբանութիւնը չափազանց զգայուն է առհասարակ դէպի «հին, բարի ժամանակներից» մնացած աւանդութիւններն ու հաստատութիւնները. ոչ մի ժողովուրդ անգլիացու չափ գերի չէ սովորութեան ու աւանդութեան. հինը նւիրական է, երբեմն գրեթէ պաշտամունքի առարկայ. այդպէս՝ միապետութեան հաստատութիւնը և թագաւորի անձնաւորութիւնը, ընգլիացին (միջին անգլիացին) ջերմապէս սիրում է նրանց, պատրաստ է գուցէ պատնէշներ բարձրացնել նրանց անունով... Թէև միևնոյն ժամանակ նա խնամքով—վիրաւորելու աստիճան—կը թալանէ այդ հաստատութիւնները, կը խլէ միապետի բոլոր էական ստորագելիները և մի նշանախնց անգամ չի զիջի նրան իր իրաւունքներից: «Թագաւորը միայն թագաւոր է»... իսկ երկիրը կառավարողը ժողովուրդն է՝ իր ամենազօր պարլամենտով, իր ամենազօր ներկայացուցիչներով, որոնք ուղղութիւն են տալիս միւստրներին, դահլիճներին, տապալում են նրանց իրենց բարեհայեցողութեամբ:

«Հակադրութիւնները» հաշտել են դարեր շարունակ, ապահարգանի խօսք չի եղել, հնի ու նորի, ժողովրդապետական ու ազնւագետական սկզբունքների միջև... այդ խօսքը նոր է հնչում, Գլադստօնի ժամանակից ի վեր— և այսօր նա հնչում է թունոտ ու սպաննազին...:

Մինչև օրս, պէտք է ասել, ազնւագետական սկզբունքը Անգլիայի մէջ ցոյց է տւել յարմարումի մեծ կարողութիւն, շատ աւելի մեծ, քան ցամաքային պետութիւնների ազնւականութիւնը: Քաղաքական էւօլիւցիայի ղեկը նա զիջել է պարլամենտին, «ստորին պալատին», իսկ ինքը, յանձին լօրդական «բարձր պալատ», շարունակել է լոկ ձեական, անւանական իշխանութիւն: Պարլամենտը օրէնքներ է սահմանել, պարլամենտը յօրինել է միշտ բիւջէի, ելեմուտի ծրագիրներ, լօրդերի պալատը տւել է միայն իր սոսկ ձեական հաւանութիւնը:

Լօրդերը համակերպել են, յաճախ նոյնիսկ ցոյց են տւել քաղաքական ողջմտութիւն, ազատամտութիւն, չեն ձգտել ոտնահարելու մարդկային տարրական իրաւունքները այն կոպիտ ու վայրագ ամբարտաւանութեամբ, որ յատկանշում է ցամաքային ազնւականութեանը (Գերմանիա, Աւստրիա, Իտալիա, Ռուսաստան):

Լօրդերը համակերպել են, քանի ազատութեան

սկզբունքը շարժել է միայն, այսպես ասած, քաղաքական ու թեան հօրիզոններում, նրանք թշնամաբար չեն վերաբերել նոյնիսկ մի շարք սօցիալական բարենորոգումներին, որոնք վաղուց ի վեր բռնադատվել են բրիտանական պարլամենտում և նպատակ են ունեցել՝ փոքր ինչ բարձրացնել աշխատաւոր դասակարգերի նիւթական ու հոգեկան վիճակը:

Բայց ահա խփեցին լօրդերի գրպանին... Ահա պարլամենտը ընդունեց—ճնշող մեծամասնութեամբ—բիւջէի մի օրինագիծ, որ սպառնում է փոքր ինչ սահմանափակել խոշոր հողատերերի, լանդլորդների դիզելիք «յաւելեալ արժէքի» շտեմարանը: Եւ մէկէն ի մէկ տրամագրութիւնը յեղաշրջեց, լօրդական դասակարգն ալէկոծեց ու ճշաց. *Veto!* (արգելում եմ): Եւ արգելքը դրեց... Լօրդերի պալատը չը վարեց ըստ սովորականին, նա մերժեց իր «բարձր» հաւանութիւնը պարլամենտական որոշումին:

Բայց դա ի՞նչ արգելք էր... Զգում էին, անշուշտ, այդ գոռոզ կրեսոսներից շատերը, թէ ինչ փտանդաւոր խաղ էին խաղում, զգում էին թերեւս, որ իրենց ձեռքով իրենց սեփական գերեզմանն են փորում: Պաշտօնի օրերից ի վեր, ատելութիւնը դեմօկրատական խաւերի մէջ միշտ աւելի և աւելի սաստկանում է դէպի «բարձր պալատը» և նրա իսպառ վերացումը կարճ ժամանակի խնդիր է:

Լօրդերը իրենց սեփական նախաձեռնութեամբ գուցէ փութացրին այդ վայրկեանը:

Խնդիրը դուրս է գալիս բրիտանական շրջանակներից և դառնում է համաեւրոպական. նրանով շահագրգռւած են երկու հակամարտ տարրերը՝ բոլոր երկրներում:

— Ժողովուրդ և ազնւականութիւն:

— Աշխատանքի ու բրտինքի բանակ և փողի ու շահագործման բանակ:

Ի՞նչ ասել կուզէ, որ լօրդերի կողմն են համակրանքները բոլոր ոչ միայն զուտ ազնւական դասակարգերի, այլ և առհասարակ բոլոր փառած, պահպանողական, հակաժողովրդական տարրերի՝ Լօնդօնից մինչև Բերլին, մինչև Պետերբուրգ, մինչև, թերեւս, Բոսֆորի ափերը: 25⁰ որ, վերջապէս, գրեթէ բոլոր պետութիւնների մէջ կայ այդ հռչակաւոր «բարձր պալատը», այդ «իմաստուն» ծերակոյտը, մի տեղ ընտրովի—սահմանափակ ընտրական իրաւունքով—մի այլ տեղ սոսկ նշանակովի, և ամեն տեղ՝ սպառնալիք ազատութեան ու ռամկավարութեան համար...

Ի՞նչ են ասում լօրդերը: Խիստ ուշագրաւ է նրանց պատճառաբանութիւնը: Որպէսզի գայթակղութիւնը չը լինի չափից դուրս արտառոց ու ըմբոստեցուցիչ—նրանք ամենայն զգուշութեամբ «խնայում են» ժողովրդական սկզբունքը. նրանք կոչ են անում փարիսեցիօրէն... նոյնպէս ժողովրդին: Բայց աւելի ուշագրաւն այն է, որ նրանք հրապարակ են հանում սօցիալիզմի ուրաւակները:

«Այդ բիւջէն սօցիալիստական է, ասում են նրանք. դա սօցիալիզմի ճնշման արդիւնքն է և մենք կուռնում ենք պարլամենտի սօցիալիստական ձգտումների դէմ»...

Սօցիալիստական—որովհետեւ ազատամիտ կառավարութիւնը ի նկատի ունի՝ նոր բիւջէով հաւաքւած տուրքերի մի մասը ծառայեցնել բանւորական, տնտե-

սական ընթերցանի, յատկացնել միլիօնաւոր թշնամիների վերքերը կազդուրելուն...

Որ «սօցիալիստական ճնշումն» այդտեղ որոշ դեր ունի—տարակոյս չը կայ: Ո՞ր երկրում չէ աշխատաւորական օրէնսդրութիւնը, բուն ժողովրդական, տնտեսական ընթերցանի սօցիալիզմի ճնշման արդիւնք: Եթէ Բրիտանիայում վերջին ժամանակներս սօցիալիստական կուսակցութիւնը արած չը լինէր այնքան խոշոր առաջադիմութիւններ, եթէ աշխատանքի ներկայացուցիչները վերջին ընտրութիւններից յետոյ տասնեակներով չ'երթային բազմաթիւ պարլամենտի մէջ, եթէ չը լինէր Մակգոնալդների, Կեր Լարդերների անդադրում ու կորովի արշաւանքը պատգամաւորական ժողովի մէջ և նրանից դուրս, եթէ սօցիալիզմի պրօպագանդը չը գտնէր այնքան ջերմ համակրանք ու կողմնակցութիւն ամբողջ երկրում,—այդ բիւջէն, գուցէ, հանդէս չը գար: Սօցիալիզմը կարող է այն համարել մասամբ իր յաղթանակ:

Ի՞նչ զարմանք: Իր գովելի, պատկառելի առաջադիմութեամբ քաղաքական ազատութիւնների աշխարհում՝ այդ երկիրը մնացել է դարձեալ խոր թ հայրենիք իր բազմամիլիօն զաւակների համար, որոնք մատնւած են—քաղաքներում ու գաւառներում—սև, չարքաշ, անշնորհակալ աշխատանքի: Հարկեր հաղարաւոր աշխատող ուրիշ պրօլետարիատը միմիայն Լօնդօնում—վաղուց սովորական երևոյթների շարքն է անցած: Կապիտալիստական շահագործումը—մանաւանդ գաւառներում, լինդ-լօրդների հսկայածաւալ հողերի վրայ—առաջ է մղում նոյնքան վայրագ ու սպանիչ ձեռք, ինչպէս ամենուրեք:

Անգլիան ամենապերճախօս օրինակն է, որ ցոյց է տալիս կապիտալիզմի ճակատագրական էութիւնը: Այդ օրինակի վրայ մենք տեսնում ենք, որ քաղաքական ամեն աւելալայն, ամեն ազնւագիւրտիկ ազատութիւններն անգամ չեն կշտացնում աշխատաւոր մարդուն, որ դասակարգերի ու շահերի խորունկ անհասարկութիւնը, հարստութիւնների ծայրայեղօրէն անարդար բաշխումը՝ շարունակում են նաև ազատ ու դեմօկրատիկ ընթերցանի տակ և որ, հետեւապէս, իրաւունք ունի սօցիալիզմը, երբ նա ասում է՝

— «Դաւան չեն քաղաքական յեղափոխութիւններն ու ազատութիւնները. միլիօնաւոր բաղցած ու կիսաբաղց ընդհանրութիւնը չի վայելում այդ ազատ կարգերը, տէ՛ք նրան և նրա ընտանիքին նախ և առաջ ապրուստի միջոց, տէ՛ք իրական ազատութիւն ու հաւասարութիւն»: Իսկ այդ իրականը կը գայ միայն այն ժամանակ, երբ ամբողջ հողը, արդիւնաբերութեան բոլոր գործիքներն ու հարստութիւնները կը արւին աշխատաւոր ժողովրդի ձեռքը, իբրև ընդհանուր, համայնական սեփականութիւն:

Ի՞նչ են ասում «սօցիալիստական բիւջէի» պաշտպանները, կառավարութիւնը, պարլամենտը: Ի՞նչ է պահանջում այդ նոր բիւջէն: Կա պատճառաբանում է, որ պետութիւնը հսկայական ծախքեր ունի, որ նրանք օր աւուր աճում են, մասնաւորապէս ազգային պաշտպանութիւնն ապահովելու համար, որ այդ ծախքերին գոհացում պէտք է տալ, որ ժողո-

վերջը շատ է արդեն ծանրաբեռնված այլ և այլ տուրքերով և որ, հետեապէս, նոր տուրքերը պէտք է գանձելն ի հաշիւ մեծ ժառանգութիւնների, մեծ հողատերերի հարստութեան ու եկամուտի, պէտք է ապա յարկացւին մասամբ նաև աշխատաւոր ու տառապող զանգաճների ճակատագրի բարելաւման:

Զրկւում են լորդերը իրենց հարստութիւնից, կորցնում են նրանք իրենց վիթխարի հողային պետութիւնը, իրենց պերճանքն ու վայելքները: Ամենևին: Բայց դարձեալ վախճան... Ժողովրդական քրտինքով յղիացած այդ սակաւաթիւ դասակարգը դարձեալ ուզում է— իր մի քանի հարիւր նշանակովի ներկայացուցիչների բերանով—կաշկանդել որոշումները մի պարլամենտի, որ հանգիստնում է միակ ժողովրդական, պատգամաւորական մարմինը:

Փոթորիկը բռնել է երկիրը: Անանքի միապաղաղ ընթացքը խզել է և կրքերը բորբոքել են, ինչպէս երբէք: Ազգութիւն, ազատամիտ կառավարութեան գլուխը, ծանուցեց արդեն ի լուր Բրիտանիայի և ամբողջ աշխարհի, որ լորդերը խախտեցին սահմանադրութիւնը: Պարլամենտը կը լուծւի—այդպէս է պահանջում ստեղծւած կացութիւնը—երկիրը կը կոչւի շուտով նոր ընտրութիւններ կատարելու և դրանով իսկ իր վճռական խօսքն ասելու լորդերի *veto*-ի առթիւ: Այդ խօսքն, անշուշտ, կ'արտասանւի յօգուտ ազատամիտ կառավարութեան և ընդդէմ նրա ռիսկիմ հակառակորդների—լորդերի: Դա վիզի ու Տօրիի հռչակաւոր, պատմական մենամարտն է, որ խաղացում է այսօր մի նոր ու դրամատիկ արարւածով... Լորդերի կողմն է, ինչ ասել կուզէ, անգլիկան հզօր եկեղեցին: Որտեղ չէ եկեղեցին հարուստների ու կեղծքիչների կողմը... Միևնուրեւնախափափ արձակած նշանաբանը այսօր չըջան է անուժ, ցնցելով ու ոտքի հանելով ժողովրդային զանգաճներին: Տեղի են ունենում հսկայական միտինգներ, հրապարակը հեղեղում է կոչերով ու մանիֆէստներով: Այդ անսովոր ագիտացիայի մէջ առաջնութեան պսակը պատկանում է դարձեալ, ի հարկէ, սօցիալիստներին: Labour Party-ն (Աշխատաւորական կուսակցութիւնը) իրօք միակն է, որ հանելով կացութիւնից տրամաբանական բոլոր եզրակացութիւնները, պահանջում է իր հրատարակած մանիֆէստի մէջ վերացնել լորդերի պալատը, գրաւել լորդական բոլոր հողերը և դնել նրանց ժողովրդի հաւաքական տրամադրութեան տակ (Nationalisation)...

Մի քանի հարիւր կալւածատէրեր—միլիոնաւոր ժողովրդի դէմ... Բանդանութիւնը, տարակոյս չը կայ, չարաչար կը պատժւի և գուցէ իրօք լորդերի պալատը կը գահավիժւի իր վսեմափայլ բարձրութիւնից դէպի անդարձ անէութիւն: Եւ դա թերեւս սկիզբ կը դնէ ուրիշ նման գահավիժումների: Անգլիան առաջինն է ծանուցել աշխարհին պարլամենտարիզմի մեծ սկզբունքը և Անգլիան գուցէ պիտի տայ նաև ազդանշանը Եւրոպայի տերերի համատարած բնաջնջումի...

Հ Ա Ս Ա Ր Ա Կ Ա Պ Ի Տ Ա Կ Ա Ն

VI

ՌՆՈՒԹԻՒՆԸ ԵՒ ԱՇԽԱՏԱՆՔԸ ԱԶԳԵՐԻ ԶԱՐԴԱՑՄԱՆ ՊՐՈՑԵՍՈՒՄ

Բնութիւնը—նախ և առաջ:

Մանտակիս և Հերդեր, իսկ նրանցից շատ ատաջ, հնադարեան հանճարները՝ Պլատոն, Արիստոտել շեշտել են բնական միջավայրի հզօր դերը ժողովուրդների կազմաւորման պրօցէսի մէջ:

Աշխարհագրական դիրքը, հողի գծագրութիւնն ու բաղադրութիւնը, լեռներն ու հարթութիւնները, ծովերն ու գետերը, կլիման, օդերի մեղմութիւնն ու խստութիւնը, ջրերի բաշխումը, բուսական ու կենդանական աշխարհը, բերքերի առատութիւնն ու սակաւութիւնը, հաղորդակցութեան դիւրութիւններն ու դժւարութիւնները—այդ բոլորը, կարելի է ասել, իսկզբանէ որոշել է այլեայլ մարդկային համախմբումների ճակատագիրը, ցոյց է տւել ժողովուրդներին այն ուղիները, որոնցով նրանք պէտք է քայլէին անհրաժեշտաբար՝ գաղթերի ու բաղխումների յաւիտենական յորձանքի մէջ:

Որպիսի հսկայ աշխարհնութիւն գործօնների ու ազդեցութիւնների... Այդտեղից էլ—անսահման աշխարհնութիւնը ազգային ճակատագիրների: Երբեմն սոսկ աշխարհագրական դիրքը ահագին լայն է սփռում մի ազգի գոյութեան դաւաւոր ելևէջների վրայ, մեկնաբանում է նրա հզօր ծաւալումների կամ նրա անգործ կեանքների գաղտնիքը... «*L'Angleterre est une ile, et ceci explique toute son histoire*», ասում է հաշակաւոր պատմագիր Միշլէ: «Անգլիան կղզի է—և դա բացատրում է նրա ամբողջ պատմութիւնը»... Ա մ բ ո ղ ջ է ոչ ի հարկէ—քանի՜ կղզիներ են կուլ գնացել ժամանակի ալիքներին—բայց անտարակոյս, բրիտանական կղզեացումը իրօք վճռական դեր է խաղացել այդ երկրի մեծութեան, հմայքի, նրա տիեզերական նւաճումների պատմութեան մէջ... Միշլէի խօսքը չէ՛ր լինի արդեօք անալոգիայով ու ժողովուրդի ճշտութեամբ կիրառել նաև Հայաստանի վերաբերմամբ... Թւում է թէ այնտեղ ևս աշխարհագրական դիրքը գլխաւոր ազդեւոր է այն բոլոր դրամատիկ իրադարձութիւնների, բացատրական ու գրական հոսանքների, բարիքների ու նզովքների, որոնցից հիւսւել է դարերի մէջ հայկական եզակի ճակատագիրը...

Իրաւ է, բնական միջավայրի ներգործութիւնը յաւիտենական ու անփոփոխելի միջնութիւն չէ: Աշխարհագրական պայմանները չեն հանդիսանում, մի անտակ ֆատալ, ճակատագրական, բռնաւոր ուժ ա մ բ ո ղ ջ. մ ար դ կ ա յ ի ն պատմութեան ընթացքում—նրանց ազդեցութիւնը տիրական է միայն մարդկութեան մ ան ու ե կ հ ա ս ա կ ու մ, նախապատմութեան մէջ, էւօլյուցիական սանգուսիս ամենատարած ատորձանքների վրայ, երբ մարդ-էակը իր խոսքի մտքով ու հսկայական, ահալեկած երեւակայութեամբ, իր բնութագրորդիքներով ու ողորմելի անտեսութեամբ՝ եղել է արգահատելի մի խաղալիկ բնութեան կայր տարերքների ձեռքում, երբ նա ստրուկ իր անմիջական կարիքների, մերկ ու կիսաքաղց՝ թափառում էր տիեզերական լաբիրինթոսում, կրում էր շրջապատի բոլոր հարւածները, առանց հակազդել կարողանալու, փախչում էր զարգանդաւոր դիշատիչ գաղտնիքից, կե՛կուռ, գաղաւթում էր կայծակի հանգէպ, փութորիկ, սուրգանի միջոցին վազում էր լեզուպատառ, առանց յետ նայելու, տարւած սարտափի միահեծան զգացումով...

Մշտնջենաբար ատաջադիմելով, աշխատանքի ու արդիւնաբերութեան միջոցները հետզհետէ կատարելագործելով, մարդիկ հակազդում են իրենց շրջապատող միջավայրի դէմ, ազատագրւում են կամաց-կամաց բնական ուժերի կայր, անողորմ ֆատալիզմից, մեղմում են նրանց մոլեգնութիւնը, յաճախ նոյնիսկ վնասակար, աղետաբեր տարերքներից սանդձում են գրական, աշխարհաչէն գործօններ: Մի գետ, որ

պարբերաբար դուրս է նետուում իր հունից, ողողելով ու աւերելով ահագին տարածութիւններ—նա յետոյ կարող է դառնալ մարդկային հնարագիտութեան շնորհիւ՝ նուազ-կութեան ու առեւտրի մի գերազանց ճանապարհ եւ ազդա-յին գոյացումի պատկառելի մի գործօն։ Մի լեռ, որ երկար ժամանակ անանցանելի եւ ահաւոր անջրպետ է մարդկային այլևայլ համախմբումների միջև՝ կը դառնայ յետագայում—նոյն արգաւանդ աշխատանքով, յեռնային ճանապարհներ հաստատելով—հաղորդակցութեան մի շահաւէտ անցք, կրճատող տարածութեան ու ժամանակի, շողկապող ան-ջատած ժողովուրդներին։

Հաղորդակցութեան դիւրութիւնները, ծովերի, մեծ, նա-ւագնաց գետերի գոյութիւնը ամենուրեք զարկ է տալ մարդ-կանց եւ ապրանքների փոխադրութեան, շարժումներին. իսկ յայտնի է, որ ապրանքների փոխանակութեան հետ կա-տարել է շարունակ մարդկային այլազան համախմբումների միջև՝ մ'տք եւ ի փոխանակութիւնը եւս, որ զօրաւորապէս խթանն է կուլտուրայի առաջնադարձութեան։ Ընտարակոյս, պատահական մի հանգամանք չէ, որ մեծ ազգային քաղա-քակրթութիւնները սկիզբ են առել մեծ գետերի առաջան-նելուց, մեծ ծովերի եզերքներում։ Փանգեքը Հնդկաստա-նում, Նեղոսը Եգիպտոսում, Եփրատն ու Տիգրիսը Միջա-գետքում եղել են հզոր գաղութարկները առաջին մեծ քա-ղաքակրթութիւններին—հնդկական, եգիպտական, ասոր-կան եւ այլն։

Հին աշխարհի ընդարձակ յեղերը—ասում է նրանց պատմա-գիր Լեոնորման—Նեմրուտից մինչեւ Մահաբէ՛ հանդիպել են յաջորդաբար Եփրատի ու Տիգրիսի ալիքներով ողողալ՝ այդ հսկայ օվաղիսում, Միջագետքում, որ կոչւել է իրաւամբ Ասիայի պարտեզ, դրախտ Արդաբից նրանք ձգուել են, ահարկու մրցակցութեամբ, տիրել ամբողջ Ասիային։ Ոչ մի ժողովուրդ հնում այնքան չի զարգացրել երկրագործական արեւտան ու այլ ինքնուտարիաներ, ինչպէս ասորեանացիք. բնութիւնը ինքը պատրաստել էր այդտեղ նպաստաւոր հողը առաջին ազգութիւնների կազմաւորման համար։

Հապա Միջերկրական ծովը... որ ունեցել է եւրոպա-կան քաղաքակրթութեան փթիլման համար վճռական կա-րեւորութիւն։ Արգեօք արեւմտեան պանծալի կուլտուրաները կրտսեղծւելին, եթէ այդ ծով-ովիանը չ'ողողէր Եգիպտոսի, Ֆինիկիայի, Փոքր-Ասիայի, Յունաստանի, Իտալիայի, Սպա-նիայի եւ Ֆրանսիայի եղերքները... Առանց այդ մեծ ազգակի, որ չափաւորում, բարեխառնում էր կլիմաները եւ անասնաճան գիւրացնում հաղորդակցութիւնը, չէր առաջանայ—կամ շատ ուշ—միացումը երեք խոշոր ցեղագրական տարրերի՝ եւրոպայի, Ասիայի, Աֆրիկայի՝ ի գէմն արիացիների, սեմիտ-ների ու բերբերների։

Անթիւ գաղեր Միջերկրականը մեծ ծամբան էր ժողո-վուրդների հաղորդակցութեան, —արեւմտեան, արեւելեան ու հարաւային ժողովուրդների։ Առեւտուրը, ապրանքները շարժ-ւում էին Արեւմտեցից, ծովի վրայով, հասնում էին ասիա-կան եզերքներին, ապա շարունակւում կարաւաններ զ ծ ե ռ ո վ, Կովկասի, Հայաստանի վրայից՝ դէպի Պարսից ծոց, Հնդկաստան ու Չինաստան։ Միջին դարերում, ասում է Ռեկլիւ, ջնոգիւցի վաճառականները անցնում էին Սե ծովի եզերքներից, մանում էին Անդրկովկասի խորքերը, հասնում մինչեւ Կասպից ծով։ Կը միաժամանակ եւրոպացի ծամբորդ-ները, մասնաւորապէս իտալացիք, երթնէկում էին Փոքր Ասիայի գծերով...

Եթէ Հայաստանը փռւած չը լինէր հին աշխարհի միջազ-գային հաղորդակցութեան այդ մեծ ճանապարհի վրայ, մենք եւս, անտարակոյս, չէինք ունենայ 3-րդ, 4-րդ դարերում արդէն՝ պատկառելի քաղաքակրթութիւն։ Հայ տարրը չէր ստանձնէ, հաւանականօրէն, ոչ մի կուլտուրական ինիցիատիվ, նախաձեռնութիւն—եւ Մեսրոբների ու Սահակների, Եղիշե-ների ու Եղնիկների հաջորդական թերեւս չէր կազմա-կերպւի... բայց այդ մասին յետոյ։

Ահա եւ Ֆինիկիան։ Առաջին եւ պանծալի ազգութիւն-ներից մինը, որ առաջ շատերի պէս չքայցել է գրեթէ առանց հետք թողնելու։ Ծովը—նոյն Միջերկրականը—գարձրեց

Ֆինիկիացիներին հին աշխարհի լաւագոյն եւ երկար գաղեր շարունակ՝ միակ նաւագնաց ժողովուրդը։ Ծովային լայն առեւտուրը եւ ուրիշ ինքնուտարիաներ ստեղծեցին միաժամա-նակ Ֆինիկիայից քաղաքակրթութիւնը, որ ազգութիւն, որ միջնորդ էր Ասիայի ու Եւրոպայի միջև, որ յօրինեց զ իր, ա յ ը ե ն, հնարեց դ ը ա մ ը, հիւժը զրեց բազմաթիւ ք ա ղ ա թ ն եր ի, զարկ տալի ամենուրեք առեւտրական ինիցիատիվի, տարա-ծեց իր մաքրի ու արեւմտի արդիւնքները ամբողջ Միջերկ-րականի առաջանում... Ուղղակի կամ անուղղակի նրանք հասան նաեւ Հայաստան։ Արդարեւ, երեք գլխաւոր գծերով էին մղւում Ֆինիկիացիք իրենց առեւտուրը.

1. Հարաւային կամ արաբա-հնդկական.
2. Արեւելեան կամ ասորա-բաբելոնեան.
3. Հիւսիսային կամ հայա-կովկասեան *) (armenico-caucasien)։

Այս, եւթարկւելով հանգերձ բնական շրջապատի ազ-գեցութիւններին, մարդը իր շահերի համեմատ փոփո-խում է նրանց։ Առանց աշխատանքի ու քաղաքակրթ-թիւնի եւս՝ Եգիպտոսը կը լինէր հին օրերում Նեղոսի տիղմով ծածկւած հսկայական մի ծահիճ... Բայց ան-թիւ գաղերի ընթացքում՝ մարդը կրել է այդ ազգե-ցութիւնները—լաւ եւ վատ, զրական եւ քայտաւան—առանց հակազդելու սրեւ միջոցի. անթիւ գաղեր—վայրե-նութեան ու բարբարոսութեան շրջաններում—բնական ու-ժերի կամ ավարութիւնը եղել է միահեծան, տիրական ու բռնաւոր։ Այսօր եւս նա շարունակւում է որոշ շափով, ան-դամ առաջադէմ քաղաքակրթութեան ուսմաններում, չը նայեա՞ծ այնքան դարերի կուլտուրական նւաճումներին։

Եւ ինչպէս տեսանք, մի շարք ժողովուրդներ պատմութեան ու նախապատմութեան անեղք տարածութիւն վրայ՝ եղել են առանձնապէս գուրգուրած, նպաստաւորած բնութիւնից։ Նրանք վաղաժամ զարգացել են, դարձել ազգ ու հայրենիք, մի մի սրբանք քաղաքակրթութեան Եգիպտոս, Ասորես-տան, Ֆինիկիա, Յունաստան, Հռոմ, Իտալիա, Ֆրանսիա—զրանք ժամանակակից քաղաքակրթութեան շղթան են կազմում, նրա այլազան օղակները, սրանցից սմանք չքայցել են դարերի անգունգներում, կտակելով, սակայն, իրենց մտաւոր ու նիւթական գանձերը, գեթ մի մասը, իրենց տեղի երիտասարդ ու կորովի յետնորդներին։

Աւելացնենք։ Բնական, աշխարհագրական պայմանները նպաստաւորում են ազգութիւնների գոյացումն ու զարգա-ցումը, բայց ասել չէ, թէ բոլոր ժողովուրդները, որ հաս-տատուել են աշխարհագրական բարեյաջող դիրքերի մէջ, կա-րողացել են մշակել քաղաքակրթութիւնն ու ազգայնութեան գաղափարը, որդեգրել աշխատանքի ու առաջնորդութեան դատը նշն փութկոտ պատրաստակաւութեամբ, նոյն ըս-տեղծագործող եւանդով ու ձիւղերով։ Ահա թիւ բ ը բ ի ա ն։ Ահա նրա աննման մայրաքաղաքը, իր եզակի, համաշխար-հային, կենտրոնական դիրքով, ուր—Ելիզէ Ռեկլիւի արտա-յայտութեամբ—Արեւելքն ու Արեւմուտքը, Ասիան ու Եւրո-պան իրարու ընդառաջ են գալիս, զրկւում, համբուրում... Հինդ հարիւր տարի է, եւ աւելի, ինչ թիւրքերը տիրել են արեւելեան Հռոմի, եւ այդ ահագին ժամանա-կամիջոցում—չ մի պրօգրէս թիւրքական հասարակակալմի մէջ, դրեթէ կատարեալ ծահճալում կեանքի բոլոր աս-պարէզներում։ Աւելի եւս թիւրքերի արշաւը կանգնեցրեց համեմատաբար բարգաւաճ ու առաջադէմ այդ երկրի մէջ ամեն պատմութիւն եւ քաղաքակրթական ամեն աշխատանք։ Անջրպետ դրեց երկու իրարու հաղորդակից աշխարհների միջև, տաճկութիւնը եւ Եւրոպան բաժանեցին անանցանելի խրամատով։ Բռնի ուժը հռչակեց, որպէս գերագոյն իմաս-տութիւն եւ հպտական քաղաքակրթութիւնները են-թարկւեցին ամենատանարգ գերութեան, այլապէս եղին, բթացան Եւ այդ սքանչելի երկրների մէջ, ուր բնութիւնը փռել է իր լաւագոյն գահարները, գարեբով թագաւորեց աննպատակաւ ամուլութիւնը, մահը, աւերանքը... Հայրե-նիք, ազգութիւն եւ նման բոլոր գաղափարները դեռ չը

*) Lenormant, Histoire ancienne de l'Orient.

ծլած մեռնում են այդպիսի միջավայրում, նրանց կենսատու-
ադրերները ցամաքում են—և տիրողի և հպատակի մէջ...

Ժամանակը հասաւ ահա, երբ ցնցւում է ափական այդ
գծնդակ մեռելութիւնը, երբ սթափւող տաճկութիւնը
փորձ է անում՝ իբրեւ նոր, կազմակերպւող ազգութիւն, իր
պատաւար տեղը բռնելու Արեւի տակ... Եւ—ուշագրաւ
հանգամանք—այդ խորխոր ու փրկարար զարթնումի մէջ, երբ
յեղափոխական սերունդը համարձակ ձեռք է զարնում
մտաւոր ու նիւթեղէն փլատակների վերաշինութեան, երբ
գրւում է սահմանաքարը հին ու նոր թիւրքիայի միջև և
զրանով իսկ հիմք է գրւում ազգայնութեան տարերքնե-
րին—այդ հանգիստւոր օրերին հնչում է և օսմանեան
վերանորոգիչների բերանից մի նոր խօսք, մի նոր անուն—
«Հայրենիք»—որ մինչ այն գոյութիւն չուներ նրանց բա-
նադրքում կամ ունէր միայն գաղտագողի, արհամարհում
մի գոյութիւն... Առաջին անգամը, ահա նա, «Օսմանեան
Հայրենիքը»—[Թող թէ փոքր ինչ անօրմայ, չօվինիստական
գունաւորութեամբ—գործածւում է հրապարակով, երիտա-
սարդ թիւրքերի կողմից, պաշտօնական մի գօսումնաւոր,
«Դաշնակցութիւն-Իթիլիհատեան համաձայնութեան» գրի
մէջ...

Դառնանք նիւթին:

Ոչ. ծոխ, փարթամ բնութիւնը մէկէն ի մէկ չի երջան-
կացնում բոլոր մարդկային ցեղերին, ինչպէս և մերի, առա-
նաշունչ ու աղքատիկ բնութիւնը չի միանգամայն դժբախ-
տացնում միւսներին:

Բայց ամեն տեղ, բոլոր պատմական հայրենիքներում, ուր
տեսնում ենք հզօր ու բեղմնաւոր քաղաքակրթութիւնների
ծաւալում—բոլոր այդ երկրների մէջ գտնում ենք և, յի-
րաւի, ծոխ, արգասանդ միջավայր, տեսնում ենք բնութեան
բարեքների մի անսովոր շաղկապ և մեղմ, կենսարար, բա-
րեխաուն կլիմայն եր...

Կլիմայն—մանաւանդ: Աշխարհագրական գործոնների
շարքում՝ վաղեմի սօցիոլոգիան (հասարակագիտութիւնը)
ծանրանում է առանձնապէս կլիմայի վրայ: Մ օ ն ա ե ու
կ ի օ ն տեսնում է նրա մէջ ազդեցիկ-պատճառը մի երկրի
քաղաքական-սօցիալական հաստատութիւնների, Հ ե ռ-
դ ե ո ռ *) տալիս է նրան ոչ պակաս կարեւոր տեղ ազգերի
էւօլյուցիայի մէջ: Բայց Հերդերը լայն մաքով է բմբռնում
կլիմայ բառը, նա յայտնում է մի տեսակ հաւաքական
հասկացութիւն—ein Inbegriff der Kräfte und Ein-
flüsse. ուժերի ու ազդեցութիւնների մի տեսակ բովանդա-
կում, ամփոփում: Այդտեղ մտնում են՝ օդի որակը, ջրերը,
պարբերական քամիները, այլ և հողի որակութիւնը, նրա
բերքերը, երկրամասի բարձրութիւնն ու խորութիւնը, մարդ-
կանց կենցաղածեղ, սնունդը, բնակիչները, ֆլորան ու
ֆաւնան, —բոլորն էլ շղթայւած են իրարու, փոխադարձա-
բար ազդում են, փոխադարձաբար պայմանաւորում, կազմե-
լով պատճառների ու հետեանքների մի հակադաս քառ...
Ամբողջ շրջապատող մթնոլորտը ելքատրական մի ծով է—
ասում է Հերդերը—որ յարաժամ անգրադառնում է մեզ
վրայ **):

Կլիմայի ազդեցութեանն է վերագրում Մօնտեսկիօն մի
ժողովրդի առանձնայատուկ ոգին, նրա յուզումները, կրքերը:
Միջավայրը, օդն ու սնունդը կազմակերպում են մարդկանց
հ ա կ ու լ մ ն եր բը, նրանց բարք ու սովորութիւնները:
Ցուրտ ու դաժան կլիմաներում, արեան արագ շրջանառու-
թեան շնորհիւ, սրտի ուժեղ զարկերի, մարմնի ուժեղ հակ-
ազդեցութիւնների զօրութեամբ. մարդիկ ունենում են սո-
վորաբար աւելի կուրած, արիութիւն, աւելի ինքնագործու-
նէութիւն ու ինքնավստահութիւն, աւելի անկեղծութիւն,
նւազ խորամանկութիւն ու խորդախութիւն ***):... Թերեւս,
դրանով պիտի բացատրել, որ լեռնային ժողովուրդները բնդ-

հանրապէս աւելի մաքուր են, բայց ու անկեղծ, բայց և
աւելի միամիտ, աւելի թոյլ իմացականութեամբ օժտւած,
քան տափարակները... Որքան էլ չափազանցնէ Մօնտես-
կիօն կլիմաների ազդեցութիւնը,—կայ, այնուամենայնիւ, նրա
տեսութեան մէջ մի յայտնի ճշմարտութիւն:

Տաք կլիմաներում—հակառակն է: Արեան շնչանառութիւնը
դանդաղում է, չը կան ուժեղ ռեակցիաներ, նեարդերը
թուլանում են—և նւագում է մարդկանց սեփն ու կորովը,
և նրանք դառնում են ծոյլ, թուլամորթ ու վեհերոտ,
ընդհանրապէս անընդունակ յանդուգն ինիյիտիվի, սո-
կուն, յամառ ու յարատե աշխատանքի: Զարգանում է
մարդկանց զգայականութիւնը, բորբոքւում են կրքերը և
աճում են սճիրները... Եւ համապատասխան այդ առանձ-
նայատուկ հոգեբանութեան՝ ստեղծւում են ժողովուրդների
այլ և այլ հաստատութիւնները, յօրինւում է օրէնսդրու-
թիւնը: Մահձգի օրէնքը սգելից բնակիչների գէտ—ասում
է Մօնտեսկիօն—արաբական կլիմայի մի օրէնք է. նա ար-
գելւում է մի սովորութիւն, որ պէտք է բորբոքի առանց
այն էլ խիստ բորբոքւած զգայնութիւնն ու երեակայու-
թիւնը... Կլիմաները ծնում են բարքեր—բարքերը ծնում են
օրէնքներ—օրէնքները կազմում են մի ազգի, մի ժողովրդի
քաղաքական-սօցիալական էութիւնը:

Ինչպէս է սակայն, որ նոյն արաբները, լինելով հանգրձ
ի բնէ և ի կլիմայէ մեղի ու անշարժ, կարողացել են նա-
խաձեռնել—մահձգականութեան տարածման արշալոյսին,
ապա և յետոյ—այնքան արկածալի ու արկենալի պատե-
րազմների, յանուն կրօնի: Ի՞նչպէս է, որ Հնդկաստանում
ու այլ տեղերում, տաք, պարզ կլիմաների մէջ, ժողովուրդ-
ները լինելով հանգրձ անարի, երկչոտ, զգայուն՝ դարերի
ընթացքում՝ տոկացել են սոցիալիկեան պաղարեւութեամբ
այնքան բարբարոս տանջանքների, զահարել են հզօրների
սեղանի առջև, խողխողել են մասսաներով, յանուն կրօնի
ու այլ շարաշուք պաշտամունքների...

Այդ զարմանալի հոգեբանութիւնները և «Մօնտեսկիօն
վերագրում է դարձեալ շրջապատող բնամիջավայրին: Բնու-
թիւնը, ասում է նա, աւել է այդ ժողովուրդներին—արաբ-
ներին, հնդկներին—մի հրէշաւոր երեակայութիւն. նրանք
կուրօքն, ֆատալիստական համակերպութեամբ գնում են
դէպի մահ ու տանջանք, վախենալով աւելի վատթարից...
Նրանք գնում են թերեւս նաեւ մղւած այն հրապուրիչ,
երանաւէտ հեռանկարներից, որ սպասում են իրենց՝ մահ-
մեղական դրախտի մէջ...

Ընդունենք Մօնտեսկիօյի գաղափարների յարաբերական
ճշմարտութիւնը և առաջ անցնենք ճշմարիտ է. անշուշտ,
որ ցուրտ, լեռնային վայրերի ժողովուրդները, իրենց դիրքի
ու կլիմայի պատճառով, լինում են առհասարակ աւելի
աշխատ ու գործօն, աւելի բմբոստ ու ազատասէր. բնու-
թեան աղքատութիւնն իսկ ստիպում է նրանց՝ ուրիշ օգ-
տաւէտ գէնքեր փնտրել գոյութեան մենամարտի մէջ, դարձ-
նում է նրանց աշխատասէր և զգօն, տոկուն և դիմացկուն:
Այդ իրողութեան ապացոյց են մի շարք հիւսիսային ժո-
ղովուրդներ, մազնաւորապէս Ռուսաստանի ֆինները, հարա-
ւայիններից—լեռնաբնակ հայերը:

Եթէ Մօնտեսկիօ և Հերդեր, ազգային ճակատադիրների
այլազանութիւնը բացատրելու համար կոչ են անում գրեթէ
բացառապէս կլիմային, ապա կան ուրիշ սօցիոլոգներ, որոնք
ամեն բան վերածում են հ ա ղ ո Ր դ ա կ ց ու թ ե ա ն
ճ ա ն ա պ ա Ր հ ն եր ի ն, բնական, խոպան ուղիներին:
Իրօք, այդ բացատրութիւնը գրեթէ նոյնանում է միջա-
վայրի թէօրիայի հետ:

«Ժողովուրդների ու ցեղերի այլազանութեան առաջին և
վճռական պատճառը ուղին է, որ նրանք բռնել են—
ասում է Էդմոն Դեմոլինս՝ «Ուղին է, որ ստեղծում է ցեղը և
ստեղծում է հասարակական տիպը» *):

Անտարակոյս, բնական ուղիները որոշ չափով կերպարա-
նաւորել են ժողովուրդներին. ասիական մշտադաւար ստեպ-

*) Երկու մեծ գիտնականներ—միլիթրանիսիցի, միսր գեմա-
նացի—պատկանում են 18-րդ դարին.

**) Herder, Ideen zur Philosophie der Geschichte der Menschheit.

***) Montesquieu: Esprit des lois.

*) Edmond Demolins: Comment la route crée le type sociale.

ները (գաշտավայր), Սիբիրիայի տունդրաները, Արաբիայի, Սահարայի անապատները, Ասիայի, Հայաստանի լեռներն ու կիրճերը, Միջերկրականի արգառանք եզերքները, գրեթե են իրենց կնիքը անհամար ժողովուրդների, ցեղերի վրայ, թափառական ու նստակեաց:

Ստեպը, լայնատարած ու խոտաւէտ գաշտավայրը, առեւ է խաշնարած ժողովուրդների տիպարներ: Այն ժողովուրդների՝ որոնք երկար դարերի ընթացքում իրենց նստադ, թափառական գոյութեամբ, իրենց անգույն, աւարտու աշաւանքներով մի ճշմարիտ պատուհաս են եղել երկրագործ ու նստակեաց ժողովուրդների համար:

Ստեպը—ազատ, լայնարձակ ապարեղ ամեն տեսակ արահածարներ ժողովուրդների: Ստեպը—հաղորդակցութեան, մանր-մունք հորդանքների համախմբման գիւրդին միջոց: Մարդիկ աշխատելու և անքաւ կարիք չունին: Բնութիւնը ինքնաբերաբար ու առատութեամբ մատակարարում է սպորտի անհրաժեշտ միջոցները: Խոտը, բարձրահասակ, դաւար խոտը, մշանջնական ու գերազանց անուղեք է հօտերի, նախիրների: Կաթը, կումիրը և այլ նման արգիւնքները պահպանում են և մարդկանց սերունդները: Ձիւն, իր անխոնջ, սրածուրջ սուրբերով—փոխադրութեան լաւագոյն միջոցը՝ ստեպներում:

Ինչո՞ւ պատուհաս...

Փաստն այդ է: Պատմութիւնը այդպէս է վիայում իր արիւնտ, արտառաջօղ էջերով: Մեծ, ասիական ստեպներից է—կենտրոնական Ասիայի հսկայածաւալ լեռնադաշտից—որ սկսել են իրենց չուն մեր ծանօթ աշխարհագրագէտ հորդանքը իրենց դաժան, արիւնաբու հրտակապետներով: Հոռնները, թափարները, սելիւկները. Ատաթիան, Չինգիզ-խանը, Լանկիթամուրը: Նրանք շարժւել են իրենց վեթխարի կարաւաններով, խոտի անեղր ուղիների մէջ, հեղեղել են հին ու նոր քաղաքակրթութեան որդանքները, մահ ու աւերած տարածել Չինաստանից մինչև Եւրոպայի կենտրոնը: Կանգ են առել, ուր որ խոտը վերջացել է, ուր տեսել են սահմանը ստեպների թագաւորութեան...

Բուրբն էլ խառն աբաժ: Բուրբն էլ ստեպը ընձեռել է անսահման գիրութիւններ՝ հաւաքելու, ի մի ձուլելու ցիր ու ցան հորդանքներ, արկածաւեր ու կարող հրտակապետների զեկավարութեամբ և մղելու նրանց գէպի հարաւ ու արեւմուտք, գէպի անծանօթ, հրապուրիչ հօրիզոններ, գէպի թալան ու աւերած: Հրտակապետները ոչ այլ ինչ էին, բայց եթէ կարաւանների առաջնորդներ:

Նոյն ասիական բարձրավանդակից իջան թիւրքերը, որ 1453-ին, Մահմեդ II-ի հրամանատարութեամբ անցան Բոսֆորը և պաշարեցին Պոլսը:

Թիւրքերը եկան ամենից վերջը, և դա չափազանց դիւրացրեց նրանց նաւաւորական արշաւանքը. չէր կային նրանց հանդէպ ահարկու մրցակիցներ, մեծ գաղթերի ու գրոհների շառաշը լուել էր արդէն, ժողովուրդները—թէ տիրական և թէ հպատակ ու սորուկ—ընտելացել էին մեծ մասամբ խաղաղ, երկրագործ, կուլտուրական աշխատանքներին, տարավարժւել մեծ մասամբ գէնքի ու զրահի գործածութիւնից... Եւ ասիական նոր ու վերջին հորդայի արշաւանքը, առանց ուժեղ դիմադրութեան հանդիպելու, գրոհ տեւց միշտ գէպի առաջ, միշտ գէպի Արեւմուտք, հասաւ ստեպի ու խոտերի ճանապարհով մինչև Ալեքսանդրի դռները, ուսկից և մի առ ժամանակ գաղացրեց քաղաքակրթութեան Արեւմուտքը:

Խաշնարած, գրեթէ միայն խաշնարած էին այդ ահարկու հորդանքները, նրանց ձեռագործ արգիւնաբերութիւնը ողորմելի էր, նրանց կուլտուրան՝ սաղմնային: Նրանք չունին ոչ առն, ոչ խրճիթ—ասում է պատմագիրը—սակաւ են իջնում ձիուց, չեն մշակում հողը, սնունդ են մսով ու կաթով, թափառում են անվերջ:

Խաշնարածութիւնը յատուկ չէ միայն ասիական մեծ ստեպների այդ հորդանքներին: Խաշնարած եղել են գրեթէ բոլոր ժողովուրդները, որոնք գրա համար ունեցել են գիւրութիւններ իրենց միջավայրում: Սօցիալոգիան վաղուց արգէն հաստատել է, որ ժողովուրդները պարապել են սրտորդութեամբ, ձկնորսութեամբ ու խաշնարածութեամբ, նախ

քան դաւանալը երկրագործ, արգիւնաբերող, առեւտրական: Խաշնարածութիւնը եղել է էական պարապմունքը նաև այն անթիւ ժողովուրդների, որոնք, իբրեւ միևնոյն մեծ «հնդկաւերսական» գերդաստանի ճիւղաւորումներ, ապրել են անյիշատակ ժամանակների մէջ Եւրոպայի հարաւ-արեւելքում, ուսկից ճակատագրի մղումով, շարժւել են երբեմն իրենց նախնիներով գէպի ասիական, փոքր ասիական Արեւելքը: Նրանց մէջ է եղել և մեր «հայկեան» փոքրիկ ժողովուրդը: Ֆուլգապիւնների մի ճիւղաւորութիւն—ինչպէս վիայում են Հերոդոտ ու Ստրաբոն—թէ՛ մեծ, «արիական» ընտանիքի անմիջական մի շառաւիղ՝ հայկեան ցեղը այսպէս թէ այնպէս մասնակցել է նոխապատմական այդ գաղթին՝ Արեւմուտքից գէպի Արեւելք, շարժւել է ասորիճանաբար, բայց առ քայլ գէպի հայկական այժմեան բարձրավանդակը, և ի վերջոյ հաստատւել է Տաւրոսի ու Արարատի միջև, դուրս մղելով մի քանի վայրերից նախնական բնակիչներին: Նաև գտնւել է այն ժամանակ խաշնարածութեան շրջանում: Բայց այդանոց, Փոքր-Ասիայի լեռներում ու հովիտներում, արիական ցեղերի մէջ խաշնարածի տիպը ժամանակի ընթացքում կերպարանափոխւել է մասամբ, կամ ամբողջապէս, ծնունդ տալով աւելի բարդ, աւելի բարձր հասարակական կենցաղի: Այդտեղ, բնութեան առատաբուս պարգևներին աւելացել է մի ուրիշ տարր—ստեղծագործող աշխատանքը, հողի մշակութիւնը, արհեստները—թէկուզ և չափազանց պարզ, նահապետական—ապա և ապրանքների փոխանակութիւնը, առեւտուրը:

Արքածն ահագին տարբերութիւն երկու տիպի ժողովուրդների միջև: Առաջին տիպը—քաղաքակրթութեան ստորին աստիճանն է. այդ հոռնները, մօնղոլները, թաթարները, հասարակական կազմակերպութեան տեսակետից շատ էլ հեռու չեն նախնական պարզ մարդկային համախմբումներից: Նրանք կատարեալ բարբարոսութեան մէջ են, ճանաչում են նահապետական գերդաստանի կարգերը միայն: Հեռուն չեն անցնում: Եւ նրանց տիրապետութիւնը ամեն-ւերջ ժամանակաւոր է—ոչ մէկը այդ հզօր, աշխարհաւեր նաւաւորներից՝ Ատաթիաններից, Չինգիզխաններից, Լանկիթամուրներից՝ չէր կարողացաւ ստեղծել իր բազմամիլիոն հպատակներից ամուր, յարատեւ պետութիւն, հասարակութիւն: Հողմերի պէս նրանք եկան, հողմերի պէս անցան գնացին: Այդ մէկը այդ հորդանքներից չէր գրեց ազգութեան թէ առողմը: Պրա համար նրանք պէտք է ազաւաւէին իրենց նստադ, թափառական գոյութիւնից և գրեթէ կուլտուրական աշխատանքի բեժիմը: Պիտի դուրս գալին հասարակականութեան պարզ, նախնական տիպարից և մոնէին բարդ հասարակութիւնների շրջանը: Չ'աշխոյեցին ու փոշիացան: Իսկ Փոքր-Ասիայի ստեպներում թաւած մի փոքրածիւ ժողովուրդ—հայ ժողովուրդը—այդ հողմային արշաւանքներից գեռ շատ առաջդարձեր առաջ մեր քրիստոնէական շրջանից՝ կարողացաւ հիմքը դնել բարդ ու կայուն հասարակական տիպարին և յարատեւել, իբրեւ արդէն կազմակերպւած ազգութիւն՝ ուրիշների անփառունակ կազմալուծումից ու փոշիացումից յետոյ:

Ահա մէկը տիեզերական կուլտուրայի առեղծւանքներից: Նա յարատեւեց—այդ փոքրիկ համայնքը, երբեմն նոյնպէս խաշնարած, ապա փոփոխւած, բարդացած. նա յարատեւեց նոյնիսկ շատ աւելի խոշոր ու քաղաքակրթ զօրանիքների մահից յետոյ—օրդանիզմներ՝ որոնք մի մի կոլոնների պէս հաստատւել էին նոյնպէս վաղուց, աւելի վաղուց, նրա հօրիզոններում, ոչ հեռու նրա սահմաններից և իրենց ճոխ ու փարթամ քաղաքակրթութեամբ շլացրել էին աշխարհը... Բաբելոն, Ասորեստան, Ֆրէնիկիա և ուրիշներ:

«Առեղծւածի» բանալին պէտք է փնտրել ամենից առաջ գարձեալ նոյն աշխարհագրական միջավայրի, բնութեան մէջ... Մի բնութիւն, որ իր անսպառ հարստութիւններով իսկ՝ բերուտը չարիքների աղբիւր եղաւ այդ ժողովուրդի համար, բայց որ միևնոյն ժամանակ պայման եղաւ նրա սահման Ֆրիգիական յարատեւութեան: Լեռնատանի այդ բնութիւնը իր անհամբուր պատկերով, իր գաժան, անհիւրընկալ կլիմայով, աշխատանքի ու վատտակի իր դժւարին պայ-

մաններով, միայն քաղաքական ծանրածանր պայմանների հետ, գարեհից ի վեր բռնել է իր միջավայրից իր սեփական զաւակներին, որոնք գնացել բուն են գրել աշխարհի չորս կողմերում, ստանալով հրէաների պէս թափառական ցեղի հրաշակ: Բայց աշխարհագրական այդ գերբը, միւս կողմից, պահպանել է ցեղի սուբստանց-կորիզը: Ճիշտ են նկատում Գօլենս և Խաչ՝ „Histoire des anciens Armeniens“ գրքի մէջ, որ „Հայոց պատմութեան հասարակական ամբողջ գերբը բացատրւում է աշխարհագրական հանգամանքներով... Թուում է թէ—առում է այդտեղ—Հայաստանը անհամար ըստ ու խոհմ, կղզիայել է յօժարակամ և թողել որ աւերիչները՝ վատաւորով ու վատագույժ շահագործեն օտարներին չափազանց մատչելի եղբայրներն ու գաղութները... Երբ նա փորձել է գրայինների հետ մրցման մոտեցում, նրան յետ են բռնել, բայց չեն կարողացել բնաջնջ անել կամ գուրու մղել, որովհետեւ նա միշտ ամուր սպաստան է գտել իր անառիկ լեռնավայրում:

Այլ հանգամանք: Գտնելով հաղորդակցութեան մեծ ծանապարհին Արեւելքի ու Արեւմուտքի միջև, այդ երկիրը վաղուց ի վեր բաց գուռ է եղել նախադրական, աւերիչ ու ստրկացուցիչ արշաւանքների համար, բայց կայ գարձեալ մեղալի միւս կողմը, որ մասամբ արդէն ցայ տալիս:

Զարթուել են այդ ծանապարհով ոչ միայն զրահապատ ու գիշարիչ լեգէօնները, այլ և ապրանքները: Զարթուել են նրանք Ասորեստանից, Պարսկաստանից, արդիւնաբերութեան ուրիշ վայրերից—դէպի Սե Ժով, դէպի Արեւմուտք, միշտ նոյն անհրաժեշտ, անխուսափելի ուղղութեամբ՝ Հայաստանի վրայով: Զարթուել են ապրանքների հետ և մարքերը, գաղափարները, շարժուել է, կարելի է ասել ամբողջ հնագիտական կուլտուրան: Եւ այդպիսով, հայ ժողովուրդը, դեռ հեռուստ, նախապատմական դարերում գտնւելով հին աշխարհի կարաւանների մեծ ճանապարհին, հայ երկիրը այդ անխնայական ժամանակներից ի վեր ծառայելով որպէս մի տեսակ մթերանոց, ուսկից անցել են հինաւուրց ապրանքային հարստութիւնները, ինքը և ս կամայ ակամայ նետւել է այդ շարժման յարձանքի մէջ—հայ ստորը այդպիսով վաղաժամ գրկել է առեւտրի ու արդիւնաբերութեան զր շարք և գարձել է ժամանակի բնութայնը: Այն կարեւոր ուժը, որին աշխարհը աւել է մի նախանձելի, պատուաւոր տիրույթ—„միջնորդ Ասիայի և Եւրոպայի միջև“:

Առեւտրը չ'եղաւ, սակայն, այդ ժողովուրդի էական, զանգուածային գրաւորը: Հայոց բարձրակարգ ակտիւ ստեղծողները—դեռ չը խօսելով ծախ, արեւոտ ու արքաւանդ ստափառտանների մասին—հնարաւորութիւն էին տալիս զարգացնելու նաև հայի մշակութիւնը: Լեռները՝ կորուսած ընդարձակ ու բերրի հովիտներով, ուր առատութեամբ վազում են բարձունքներից հոսող ձիւնաջրերը, դեռ են ու վտակները: Այդ հովիտներում ամենահին ժամանակներից երկրագործութիւնը եղել է մարդկանց գլխաւոր պարապմունքներից մինը, իւրաքանչիւր մի համայնք կազմել է, ըստ Հերոդոտի, մի ուրոյն գիւղական, նստակեաց ու հողագործ—մինչդեռ խաշ-նարածութիւնը կազմել է երկրորդական մի զբաղմունք:

Գուլթանը... Ահա հզոր, ստեղծագործող, քաղաքակրթիչ գործիքը, որ բարձրացնում է ժողովուրդներին առաջնահարար, նստակեաց գոյութեան դանդաղ, բայց հաստատուն առաջագիմութեամբ՝ դէպի կուլտուրայի ու հասարակականութեան բարձրագոյն հանգրւանները... Հայ ժողովուրդը վաղաժամ ու բնագործ ընթացել է այդ փրկաւէտ ճշմարտութիւնը և—նետեղելով հանգրւան կարաւանների մեծ ճանապարհը, մղելով հանգրւան, ի դէմս իր ձեռնարկու փոր-րածանութեան դէպի առեւտրի ու միջազգային փոխանակութեան զարկերակ-ուղիները, հիմնելով շէն, վաճառաշահ քաղաքներ, զարգացնելով որոշ չափով արեւստն ու արհեստները—նա միևնոյն ժամանակ, անգամ կենքի ամենահարկու ելեւէջներում, ճակատագրի ամենաանողորմ հարստների տակ, պինդ կպել է իր գութանին, իր մաճին ու արօրին անստան հաստաւել է իր սիրած, թէկուզ և յաճախ դժգոյի, հոգի վրայ, իր ներկական, թէկուզ և

յաճախ ողբալի, պայքանական տնտեսութեան շարժը... Եւ բնագործ չի խաբել նրան: Եւ նա ապրել է հասարակական պատուաւոր գոյութեամբ, ոչ իբրեւ պարագիտ, մակաբայծ, այլ քրտնաթոր իր աշխատանքով, իր յաճախ գերմարդկային ճիգերով, իր անսպառ, դիմագրական կորովով: Ապրել է, մղելով միաժամանակ երկու մեծ մարդկային պայքարները—գոյութեան և քաղաքացիութեան թեւաւորութեան պայքարը: Բնութիւնը աշխատանքը, վերջինի: Բնութիւնը թող է աւել նրան՝ մերթ գործն, մերթ կրաւորական, աւել յաճախ կրաւորական դիմագրութեամբ՝ յետ վանել բնաջնջող արշաւանքները և իր անառիկ լեռնատունում՝ պահպանել գարեհ շարունակ իր ֆիզիկական գոյութիւնը, թէկուզ վիրաւոր, թէկուզ յօշուտած: Աշխատանքը, ստեղծագործող ճիգերը, հնարաւորութիւն են աւել նրան՝ գուրու գալ նախնի, պարզ խաշնարած հասարակականութեան շրջանակներից և նետել դէպի բնագործակ հօրիգոններ, մանկ բարդ, համեմատաբար հարուստ ու կուլտուրական ժողովուրդների շրջանը:

Եւ նա բարձրացաւ առաջնահարար, սրբան հնար էր ստեղծելի պայմանների մէջ, անօրինակ դիմացկանութեամբ ու տոկունութեամբ գուրու լողաց նախապատմութեան զարհուրանքներից և ոտք կոխեց արեւելական պատմութեան շէմքում, իբրեւ ուրոյն ազգայնական մի միութիւն, մշակեց իր համեստ ուժերի շափ դիր ու գպրութիւն, օժտեց ինքնիքը քաղաքական իշխանութեան ատրիբուտներով, իսկ այդ վերջինները իսպառ կորցնելուց յետոյ՝ շարունակեց գարձեալ ապրել իր ազգայնական օրգաններով, իբրեւ մի համայնք, որ լենի իր սրտ գերբ պատմութեան բեմի վրայ, հասաւ քսաներորդ դարին և ահա նորէն ոտք է դնում քաղաքական վերածնութեան ծանապարհի վրայ, բայց արդէն մկրտւելով ի դէմս իր առաջագէտ տարրերի, ճշմարիտ քաղաքակրթութեան ու դեմօրատիքովի աւազանում, թօթափելով, ըստ Նալբանդեանի արտայայտութեան, „հնութեան փաշին“, դրժելով հին, կարծեցեալ մեծութեան երազները, Տիգրանների ու Արամների արգահատելի էմբլեմները...

Մէկը շարժեց, բարձրացաւ, „ազգայնացաւ“, միւսը մնաց յաւիտենօրէն նոյն սառուցեալ կէտի վրայ: Հայ ժողովուրդը այնքան վաղ հրաժեշտ աւեց նոմադականութեան ու վայրենութեան արատներին, իսկ նրա մի կարգ հարեանները, քրդերը, օրինակ, որ նոյնպէս Հերոդոտների ու Ստրաբոնների ժամանակներում արածում էին իրենց նախնիները նոյն Հայաստանի ստեղծներում, այսօր նոյնն են իրենց բարբերով, պարապմունքով, հոգեբանութեամբ, իրենց բովանդակ հասարակականացումով, ինչ որ էին նախապատմական այն խորունկ գիշերի մէջ, երբ քսենօֆօնը առաջնորդում էր իր Տաւ Հաղարը Վանայ լճի աւազանով: Նոյն պարզ, նախնի հասարակական տիպն է, որ դեռ գարշում է նստակեաց գոյութիւնից, յաճառ, տոկուն ու շինարար աշխատանքից, որ գերադասում է հնձել պատրաստ բարիքները... ոչ միայն բնութեան, այլ և դրացի հասարակութեան:

Գարձեալ՝ մէկը սոցիօլոգիայի անքննելի առեղծաածներից...

Բնութիւն և աշխատանք... Երկու տիրական գործօններ, որ առաջ են մղել հասարակութիւնները, ազգերը դէպի համամարդկային քաղաքակրթութիւն: Ո՞րն է աւելի զօրաւոր՝ Արեւելքը—անտարակոյտ թէպէտ և առաջինն է սկզբնական անքննելի, մղելը ամեն աշխատանքի, խթանը ամեն ստեղծագործող կարողութեան: Քանի՞ գիւտեր են արւելք—տակաւին նախնի, վայրենութեան օրերում—բնութեան անմիջական ցուցմունքի վրայ, կարելի է ասել, նրա թելադրութեամբ: Քանի՞ հանճարներ, գիտութեան, գեղարեստի, բանաստեղծութեան, երաժշտութեան և ուրիշ անթիւ ճիւղերի մէջ՝ ստացել են իրենց ներշնչումը շրջապատող բնութիւնից:

„Տնտեսական մատերիալիզմ“ իրաւունք ունի, երբ ծանրանում է աշխատանքի ու անտեսութեան վրայ, երբ շեշտում է արդիւնաբերութեան գործիքների ահագին դերը ամբողջ մարդկային քաղաքակրթութեան, ոպա ուրեմն և ազգային

կերպարանքների էւօլիւցիայի մէջ, Բայց արդիւնաբերութեան գործիքները և նոյնիսկ առհասարակ աշխատանքը յետոյ են եկել. նրանք գործադրել են իրենց գերակշռող ազդեցութիւնը էւօլիւցիայի համեմատաբար բարձր աստիճանների վրայ:

Անթիւ դարեր են անցել—մարզը չի իմացել, թէ ինչ է աշխատանքը: Նա ապրել է բնութեան ծոյում, իր ազգակից անասունների պէս, անտուն ու թափառական, կերակրել է բնութեան պատրաստի բերքերով, պտուղներով, արմատներով, գիւրիւն, քարէ սրսրգութեան, նահապետական ձկնորսութեան արդիւնքներով: Անասունների պէս, իր գոյութեան պայքարի մէջ չի ունեցել ուրիշ զէնքեր, բայց եթէ իր ճանկերը, ոտ ու ձեռքը, ամենաշատը՝ մի փայտէ ձող, մի կոճղ, մի սրածայր քար, բիրտ, անմշակ մի գազանակ, սր-պիսին երբեմն գործածում են նաև բարձր կապկային տեսակները պաշտպանողական կամ յարձակողական կռիւների մէջ:

Այդ ահադին ժամանակաշրջանում—սր չափւում է տասնեակ ու հարիւրաւոր դարերով—մարդկային հորգանքը ենթակայ են եղել բնութեան միահեծան ազդեցութեան, քաջահայրին: Եւ այդ հարիւր-դարաւոր էւօլիւցիայի բնութայնը—երբ, անտարակայս, դրել են հասարակականութեան որոշ սահմանը—խոսք չէր կարող լինել «տնտեսական գործունեւի» ու նրանց դերի մասին, մի գեր, որ ուղղափառ գոգմայնութեամբ տարած Մարքսի աշակերտները կուգէին տարածել ա մ բ ո ղ ջ մ ա Ր Գ Կ յ ի ն է լ օ լ ի ւ ց ի ա յ ի վրայ, թէ պատմական, թէ նախապատմական:

Եւ վերջապէս, ինչպէս ասացինք, դարձեալ բնութեան անմիջական մղումով, ներշնչմամբ է հաւանականորէն, որ էւօլիւցիայի համեմատաբար բարձր աստիճանների վրայ մարդիկ սկսել են կամաց գիւտեր անել, պատրաստել գործիքներ—կաւից, մետաղներից—գտել են կրակը, որ ահագին զարկ է տւել նախնական տնտեսութեանը, և այդ գիւտերով ու գործիքներով նրանք սկսել են հակազդել բնութեան գէմ, կերպարանափոխել բնական այլեայլ բերքերը, կերպարանափոխել հողը և այլն: Աշխատանքի, տնտեսութեան այդ հակազդեցութիւնը միշտ աւելի ուժեղացել է, միշտ աւելի նւագեցրել, սահմանափակել բնական ուժերի իշխանութիւնը, առանց սակայն կարողանալու իսպառ նրանց չէ-գործացնելու: Եւ ազգերի բազմաթիւութեան նւաճողական ընթացքը արտայայտւել է հէնց նրանով, որ մէկը աստիճանաբար յաղթահարել է միւսին, մարդ-գործուն զուրո և մղել բնութիւն-գործուն:

Աշխատանքը—միանգամայն նիւթական և մտաւոր աշխատանքը—այն հզոր աղբիւրն է, որ արժէք ու հմայք է տւել նորաբողջ ազգութիւններին, հանել է նրանց տիեզերական կեանքի բեմը, որոշադրել է յայտնի չափով նրանց ճակատագրը: Աշխատանքը նոյնն է ազգայնական օրգանիզմի մէջ, իդր շարժողութիւնը ֆիզիկական մարմինների մէջ. նա շարունակ յեղաշրջում է, շնչաւորում, ստեղծագործում: Բոլոր իրական հարստութիւնները նա է արտադրում և գրանով իսկ ապահովում է ազգային մարմնի ոչ միայն գոյութիւնն ու յարստութիւնը, այլ և անսահման ու անստիճաբ առաջադիմութիւնը:

Ամեն մի հայրենիք կամ ազգութիւն հանդիսանում է իբրև միանգամայն նիւթական և գաղափարական մի մարմին, օրգանիզմ: Երկու ձեւի գործունեութիւնները հաւասարապէս անհրաժեշտ են, փոխադարձաբար լրացնում են: Աշխատանք՝ արդիւնաբերող և աշխատանք՝ իմացական, արամաբանող ու ստեղծագործող: Կազմակերպութիւն՝ նիւթական և կազմակերպութիւն՝ մտաւոր, հոգեւոր ու բարոյական:

Ցնտեսութիւն, գոյքեր ու հարստութիւններ, ապրանքների փոխանակութիւն, հաղորդակցութեան ու փոխադրութեան միջոցներ, աշխատանքի բաժանում, դասակարգեր, հանրային իշխանութիւն և այլն—ահա նիւթական կազմակերպութիւնը, որի անխախտ յարստեւումը պահանջում է մի յայտնի ներդաշնակութիւն այդ բոլոր ուժերի միջև:

Լեզու, գրականութիւն, գեղարւեստ, գիտութիւն, փիլի-

սոփայութիւն, կրօն, ժողովրդական լուսաւորութիւն, իրաւունքի ու պարտականութեան հասկացողութիւններ, բարք ու սովորութիւն—ահա մտաւոր ու բարոյական կազմակերպութիւնը:

Երկու ձեւի կազմակերպութիւնների մէջ կայ մշտնջենաւոր փոխազդեցութիւն: Իրերը ազդում են մարդկանց վրայ, մարդիկ՝ իրերի: Զարգացող տնտեսութիւնը, զարգացող արդիւնաբերական ուժերը բնական միջավայրի հետ միասին՝ շարունակ նոր մղում են տալիս մարդկային իմացականութեան, ծնում են մարդկանց գլուխներում նոր-նոր գաղափարներ ու ծրագրեր, բայց մարդիկ միշտ չեն կատարում սոսկ կրաւորական գեր, այլ իրենց հերթին—հզոր ու արգասաւոր յղացումներով, անհատական ինքնիշատակի թափելով—ներգործում են տնտեսութեան ու ամբողջ նիւթական կազմակերպութեան վրայ, յաւերժօրէն կերպարանափոխում, յաւերժօրէն կատարելագործում:

Եւ հասարակութիւնները այնտեղ են միայն համեմատաբար արագ զարգանում և դառնում ու կուլուրատիւ ազգութիւններ, ուր նիւթական ու գաղափարական աշխատանքի լայնարձակ հօրիզոնների մէջ շեշտւում է այդ անհատական ինքնիշատակը, ձեռնբերեցութեան սգին իւրաքանչիւր ազգ—եթէ նա ազգ է բառի նորագոյն ճշմարիտ իմաստով—ունի իր մեծ անհատներ, ունի իր խոշոր ինքնիշատակներ՝ կամ մտաւոր-հոգեկան կամ նիւթական գործունեութեան աշխարհում: Երամական հասարակութիւնները, որ զուրկ են «անհատներից», առհասարակ չեն առաջանում, կամ խիստ դանդաղ... Նրանք չեն աշխուժ կազմակերպել ճշմարիտ ազգայնական ներգաշնանակութիւնը, այլ մատնում են լոկ մեքենական համբար աշխուժութիւն, որ յատուկ է բոլոր նախնի համախմբումներին—լոկ անհատների մի հաւաքոյթ է ոչ իսկական օրգանիզմ: Նրանք տրւում են սովորաբար իրերի հոսանքին և անվերջ գեղեցիկ՝ բուսական, հին, պապական սովորութիւնների բռնակալ տիրապետութեան տակ...

Բնութիւնը և աշխատանքը գեռ բոլորը չեն՝ ազգային ճակատագրի էւօլիւցիայի մէջ կայ և պատմութիւնը:

Կ Ա Ջ Մ Ա Կ Ե Ր Պ Ա Կ Ա Ն

Ն Ե Ռ Ա Գ Ի Ր Ն Ե Ր

«Դրօշակի» խմբագրութիւնը, պարսկական Մէջլիսի բացման առթիւ, նոյեմբերի 17-ին տւեց հետեւեալ շնորհաւորական հեռագիրը.

Մէջլիսի մախաբահիմ,

Շնորհաւորում եմք Մէջլիսի բացումը՝ յուսալով որ սահմանադրական Պարսկաստանը պիտի կարողանայ պատաւոր կերպով պաշտպանել երկրի ազատութիւնը և քաղաքացիների հաւասարութիւնը, առանց ցեղային խտրութեան:

Սրան իբր պատասխան, նոյեմբերի 22-ին, ստացեց հետեւեալ հեռագիրը.

Դաշմակցութեամ, ժըմով.

Խորապէս զգացած ձեր սիրալիր շնորհաւորականով՝ խնդրում եմ հաճեցէք ընդունել շնորհակալութիւններս:

Մէջլիսի ՆԱԽԱԳԱՋ

Մուսէէաբէր Դոնուէ

Ա Ջ Դ

Կը խնդրեմք «Դրօշակի» հատով ստացող բաժանորդներէն մորոգել իրենց հասցէները, ուղարկելով մեզի բաժնեգիրը, հակառակ պարագային պիտի դադրեցնեմք առաքումը մոր տարիէն սկսած:

«ԴՐՕՇԱԿԻ» ԲԱԺՆԵԳԻՆՆ Է 3 ՅԲԱՆԻ: